



# ՄԱՆԿԱՎԱՐԺԱԿԱՆ ՀԱՄԱԼՍԱՐԱՆ

8 ԱՊՐԵԼԻ 2022 թ.  
№ 5 (1084)



Թերթի առաջին համարը լույս է տեսել 1965 թ. մարտի 11-ին  
երկշաբաթաբերոր • հրատարակման 57-րդ տարի

ԽԱՉԱՏՈՒՐ ԱՐՈՎՅԱՆԻ ԱՆՎԱՆ ՀԱՅԿԱԿԱՆ ԴԵՏԱԿԱՆ ՄԱՆԿԱՎԱՐԺԱԿԱՆ ՀԱՄԱԼՍԱՐԱՆԻ ԴԱՇՏՈՒԱԹԵՐ

## «ՄԱՆԿԱՎԱՐԺԱԿԱՆ ՀԱՄԱԼՍԱՐԱՆԻ ԱՎԱՆ-ԴՈՒՅԹՆԵՐ ՈՒՆԵՑՈՂ ԲՈՒՂ Է», - ասում է Վահրամ Դումանյանը



Մարտի 30-ին ՀՀ ԿԳՄՍ նախարար Վահրամ Դումանյանը և նախարարի տեղակալ, ՀՀԿԳՄՍ հոգաբարձուների խորհրդի նախագահ Ժաննա Անդրեասյանն այցելեցին Մանկավարժական համալսարան՝ հանդիպելու բուհի հոգաբարձուների խորհրդի անդամների և պրոֆեսորա-

դասախոսական կազմի հետ: Վահրամ Դումանյանը շնորհավորեց համալսարանի նորընտիր ղեկավար Սրբուհի Գևորգյանին և մաղթեց բեղմնավոր աշխատանք՝ ի շահ մանկավարժական կրթության: Նախարարը խոսեց մանկավարժա-

կան կրթության ներկա խնդիրների, դրանք համատեղ ուժերով լուծելու ուղիների և բուհի տեսլականի մասին:

ՀՀԿԳՄՍ ղեկավար Սրբուհի Գևորգյանը վստահեցրեց, որ բուհը գիտակցում է իր պատասխանատվության տիրույթը և առաքելությունը՝ որակական գործընթաց կազմակերպելու և առկա մարտահրավերներին դիմակայելու առումով:

Համալսարանի ղեկավարը ներկայացրեց հոբելյանական տարվա կարգախոսը՝ «365 օր դպրոցում» ուսուցչի և աշակերտի կողքին», որի ներքո բազմաթիվ ձեռնարկներ են իրականացվում համալսարան-դպրոց փոխայցելությունների շրջանակում:

ԿԳՄՍ նախարար Վահրամ Դումանյանը 80-ամյակի կապակցությամբ շնորհավորեց և ՀՀԿԳՄՍ հոգաբարձուների խորհրդի անդամ, մանկավարժական ասպարեզի երախտավոր, ակադեմիկոս Էդուարդ Ղազարյանին՝ հավելելով. «Ձեր փորձը, գիտելիքը և սերը մանկավարժության ոլորտի նկատմամբ այսօր մեծ շատ անհրաժեշտ են»:

Ակադեմիկոսն ընդգծեց, որ մանկավարժական համայնքն այսօր մեծ հոգածության կարիք ունի՝ ասելով. «Կես դարից

ավելի զբաղվել են մանկավարժությամբ. այսպիսի մի խորհուրդ կա՝ եթե ունես լավ ուսուցիչ, կունենաս նաև լավ աշակերտ, ուսանող և գիտնական: Ամեն ինչի սկիզբը դրվում է դպրոցում, և պետք է վերականգնել ուսուցչի հեղինակությունը: Այս առումով Մանկավարժական համալսարանը կանգնած է լուրջ մարտահրավերների առջև, որոնք, հուսով եմ, համատեղ ուժերով կլուծվեն»:

Նախարար Վ. Դումանյանը խոսեց կրթական ոլորտի բարեփոխումների մասին՝ անդրադառնալով բուհերին և հանրակրթությանը, լսեց Մանկավարժական համալսարանի դասախոսների մտահոգող հարցադրումները՝ դրանց վերաբերյալ արտահայտելով իր նկատառումները: Մանկավարժական կրթության բարեփոխումների համատեքստում նա կարևորեց ուսուցչի հեղինակության վերականգնումը՝ ասելով, որ նա պետք է լինի հասարակության հարգանքը վայելող թիվ մեկ անձնավորությունը:

Բուհական կառույցն ավանդույթների պատմությունն է, իսկ 100-ամյա Մանկավարժական, անշուշտ, ավանդույթներ ունեցող բուհ է՝ ամփոփեց նախարարը:



## ՌԵԿՏՈՐՆ ԸՆԴՈՒՆԵՑ ՍԵՐԳԵՅ ԿՈՊԻՐԿԻՆԻՆ

Մարտի 24-ին Մանկավարժական համալսարանի ղեկավար, հոգեբանական գիտությունների դոկտոր, պրոֆեսոր Սրբուհի Գևորգյանն ընդունեց ՀՀ-ում ՌԴ արտակարգ և լիազոր դեսպան Սերգեյ Կոպիրկինին:

Հանդիպմանը ներկա էին նաև բուհի Աշխատակազմի և միջազգային համագործակցության, Ուսումնագիտական գծով պրոռեկտորներ Մարիաննա Հարությունյանը և Մարիամ Իսպիրյանը:

Պրոֆեսոր Ս. Գևորգյանը հանգամանորեն ներկայացրեց ռուսաստանյան մի շարք բուհերի հետ Մանկավարժական համալսարանի համագործակցային կապերը, ինչպես նաև ռուսաց լեզվի զարգացման գործում ընդգծեց բուհում գործող «Պուշկինի ինստիտուտ» ռուսաց լեզվի ուսուցման և թեստավորման կենտրոնի աշխատանքը: Համագործակցությունը տարիների փորձ ունի, և այս համատեքստում են ուրվագծվում հեռանկարները: Խոսակցությունը ծավալվեց գիտակրթական ասպարեզում հայ-ռուսական հարաբերությունների ամրապնդմանը միտված ձեռնարկների շուրջ:

Ռեկտորը խոսեց նաև նոր ժամանակների ուսուցչի պատրաստման գործընթացին վերաբերող տարբեր գործընթացների, հայ-ռուսական համաժողովների մասնակցության և ակտիվ համագործակցության, դպրոցներում ռուսաց լեզվի դասավանդման հիմնահարցերի, ինչպես նաև համալսարան-դպրոց-դեսպանատուն կապի ամրապնդման անհրաժեշտության մասին:

Դեսպան Սերգեյ Կոպիրկինն իր աջակցությունը հայտնեց բուհի ղեկավարությանը կրթական տարբեր ծրագրերի իրականացման գործում, միաժամանակ գիտաուսումնական գործընթացների համատեքստում դեսպանն անդրադարձավ ռուսաց լեզվի զարգացման խնդիրներին, որոնց լուծմանը նպաստում են համատեղ իրականացվող ձեռնարկները:

Ուսումնագիտական գծով պրոռեկտոր Մարիամ Իսպիրյանն իր նկատառումներն արտահայտեց Հայաստանում ռուսերենի դասավանդման որակի բարելավման խնդիրների շուրջ, իսկ Աշխատակազմի և միջազգային համագործակցության գծով պրոռեկտոր Մարիաննա Հարությունյանը խոսեց հայ-ռուսական միջազգային ծրագրերի ակտիվացման մասին՝ այդ համատեքստում ընդգծելով համալսարանի կողմից իրականացվող «Ամառային դպրոց» միջազգային ծրագրի կարևորությունը:

Դեսպանն առաջարկեց համագործակցության հնարավորությունները դիտարկել և կոնկրետ ծրագրեր ներկայացնել, որպեսզի առավել իրատեսական դառնան առաջիկա համագործակցության հաջորդական քայլերը:

## ԱՆԿԵՂԾ ԵՐԿԻՍՈՍՈՒԹՅՈՒՆ ՈՒՄԱՆՈՂԱԿԱՆ ԱԿՏԻՎ ՀԵՏ

Մանկավարժական համալսարանի ղեկավար Սրբուհի Գևորգյանը մարտի 25-ին հանդիպեց բուհի Ուսանողական ակտիվի հետ: Ուժն նախագահ Պարույր Գալստյանը ուսանողների անունից շնորհավորեց նորընտիր ղեկավարին ընտրվելու կապակցությամբ և մաղթեց բեղուն աշխատանք:

Ռեկտորը յուրաքանչյուր համալսարանի, այդ թվում և մեր բուհի համար կարևորեց ուսանողական համակազմը, որովհետև նա՝ «ներկայացնում է համալսարանի դեմքը, կարողությունը, ներուժը, ակտիվությունը, համալսարանի որակավորման շրջանակներում անձանց հետ տարբեր մակարդակներում փոխներգործելու կարողությունները և համալսարանի պատիվը»:

Ռեկտորը ընդգծեց գիտակրթական ծրագրերում ներգրավվելու այն առավելություններն ու հնարավորությունները, որն ունի թվային ժամանակաշրջանում ապրող նոր սերնդի ուսանողությունը: Համալսարանի ղեկավարը համոզված է, որ ներկա ուսանողների մի մասը հետագայում աշխատանքի կանցնի համալսարանում և կրթական համակարգի ու մանկավարժական գիտության որակապես նոր մակարդակ կապահովի, կրկնակի զարգացումներ ու նոր ձեռքբերումներ:

Սրբուհի Գևորգյանը հետադարձ հայացքով հիշեց իր ուսանողական տարիները



համալսարանի Հոգեբանության ֆակուլտետում՝ համեմատական բնութագրի մեջ փորձելով ներկայացնել սերունդների առաջընթացը:

Ուսանողներն անկեղծ երկխոսության միջավայրում նորընտիր ղեկավարին ուղղեցին իրենց հուզող հարցերը, կիսեցին մտահոգությունները, դրանք վերաբերում էին ղեկավարի առաջնային ծրագրերին, լաբորատոր նյութերի և սարքավորումների սղությանը, դաշտային պրակտիկաների վերականգնմանը, ֆակուլտետներում առկա տեխնոլոգիաների տեխնիկական խնդիրներին, իսպաներեն լեզու ուսումնասիրող ուսանողներին մանկավարժի որակավորում տալուն և այլն:

Ռեկտորը և հանդիպմանը մասնակցող Ուսումնագիտական աշխատանքների գծով պրոռեկտոր Նաիրա Սաֆարյանը ուսանողներին վստահեցրին, որ լիազոր մարմինն է ներկայացվել վերոհիշյալ և այլ հարցերով փաթեթ:

Սրբուհի Գևորգյանը հանգամանորեն պատասխանեց բոլոր հարցադրումներին՝ ընդգծելով, որ համալսարանի թիվ մեկ խնդիրը ռազմավարական նշանակություն ունեցող մասնագիտություններն են և դրանց գծով դիմորդներ ունենալը:




ԼՐԱՀՈՍ

ՄԻԶԱԶԳԱՅԻՆ ԾՐԱԳՐԻ ՇՐՋԱՆԱԿՈՒՄ

Մարտի 20-ին ՀՀԿՄԶ ղեկավար Սրբուհի Գևորգյանը հանդիպեց համալսարանի երկու ուսանողների հետ, որոնք նոր էին վերադարձել Բելառուսի Մաքսիմ Տանկի անվան պետական մանկավարժական համալսարանից, որտեղ մասնակցել էին «Աստղային արշավ» խորագրով ծրագրին:

Մաքեմատիկայի, ֆիզիկայի և ինֆորմատիկայի ֆակուլտետի մագիստրատուրայի 1-ին կուրսի ուսանողուհի Վարդուհի



Մկրտչյանը և Հատուկ կրթության ֆակուլտետի մագիստրատուրայի 2-րդ կուրսի ուսանողուհի Լուսինե Խաչատրյանը իրենց տպավորությունները կիսեցին ղեկավարի հետ:

Խոսակցություն ծավալվեց Բելառուսի համալսարանի կրթական համակարգին վերաբերող հարցերի, միջնակությանի շփումների շուրջ, համեմատությունների համատեքստում ուսանողներն անդրադարձան երկու համալսարանների առանձնահատկություններին:

Ուսանողները ղեկավար Ս. Գևորգյանին հանձնեցին իրենց հետ բերած երկու գիրք, որոնցից մեկը Բելառուսի համար 1941-1944 թթ. սովորած մարտերին հայ զինվորների մասնակցության մասին էր:

ԳՐՔԵՐԻ

ՑՈՒՑԱԴՐՈՒԹՅՈՒՆ

Մարտի 22-ին Մանկավարժական համալսարանի հումանիտար ընթերցանության սրահում կազմակերպվել էր մանկավարժության ամբիոնում տարբեր տարիների դասավանդած շուրջ 148 հեղինակի 247 գրքի ցուցադրություն. դրանք դասագրքեր են, ուսումնասօժանող և մեթոդական ձեռնարկներ, մենագրություններ: Խորհրդանշական է, որ ցուցադրության ամենահին՝ 1916-ին թվագրված գրքի հեղինակը Մանկավարժության ֆակուլտետի հիմնադիր և առաջին ղեկան Գուրգեն Էդիսյանն է:

Գիտական գրադարանի նախածեռնությանը բացված ցուցահանդեսը յուրօրինակ է:



րինակ տուրք էր մանկավարժական կրթության նվիրյալների գործի հանդեպ, ովքեր տարիների տքնաջան աշխատանքով ու ջանքով ստեղծել և սերունդներին են փոխանցել մանկավարժական գիտության զարգացման գրական մեծաթիվ ժառանգություն:

Գրադարանի նախաձեռնությամբ հաջորդաբար՝ 10-օրյա ժամկետներով, կներկայացվեն համալսարանի ֆակուլտետների ամբիոնների դասախոսների հեղինակած և համահեղինակությամբ գրքերը:

Բոլորովին էլ պատահական չէր, որ առաջինը ներկայացվել էր համահամալսարանական Մանկավարժության ամբիոնը (նախկինում՝ Ընդհանուր մանկավարժության ամբիոն), որի հենքի վրա էլ ստեղծվել է Մանկավարժական ինստիտուտը:

Ցուցադրության մեջ ամենամեծ թվով գրքերի հեղինակը պրոֆեսոր Ջուլիետա Գյուլամիրյանն է (30 գիրք), հաջորդը՝ Լուսինա Ասատրյանը (17 գիրք) և Արամ Բալյանը (13):


Դասավանդման մեթոդիկա. ավանդականի ու նորի խաչմերուկում

21-րդ դարի ուսուցչի կերպարին մեր օրերում հաճախ են անդրադառնում. հնչում են ամենատարբեր կարծիքներ՝ թե՛ ճիշտ, թե՛ սխալ: Երբեք այսքան չի քննարկվել ուսուցչի կերպարը, մասնագիտական ունակությունները, դասավանդելու այս կամ այն մեթոդը, նորարարական տեխնոլոգիաներին ինտեգրվելու չափը և այն դասագործընթացում կիրառելը... Եվ ամենաքիչը քննարկվում է ուսուցչի կերպարի ու առաքելության հանդեպ վերաբերմունքի պակասը...

Որտե՞ղ պետք է փնտրել ուսուցչի հանդեպ հանրության մի մասի անվստահության ակունքը... Համալսարանում, որտեղ պատրաստում են նրանց, դպրոցը համակարգող կառույցներում, թե՛ մի ուրիշ տեղ: Մի բան, սակայն, պարզ է. 21-րդ դարի տեխնոլոգիաների այս ժամանակաշրջանում ուսուցիչը հայտնվել է ավելի քան բարդ իրավիճակում. նա պետք է փոխվի՝ ուսուցանողից վերածվի ուղղորդողի, անցկացնի նորարարական մեթոդներով հետաքրքրի դասեր... Միաժամանակ նրան պետք է տալ ազատ մտածելու, ազատ գործելու, իրեն և սովորողներին հարմար ու հասկանալի մեթոդներով կրթելու և դաստիարակելու հնարավորություն:

Միզուցե եկել է ժամանակը այլ կերպ նայելու ամեն տեսակ քննություններին... Մի՞թե սոցիալական ցածր, անհավասար կարգավիճակում հայտնված ուսուցչի համար որակավորումը և սոցիալական կարգավիճակը համատեղ բարձրացնելու այլընտրանք չկա...

Հասարակության տարբեր շերտերում քննարկվող այս թեման ինձ տարավ Մանկավարժական համալսարանի Բանասիրական ֆակուլտետ, որտեղ փորձեցի լսել տարիների փորձառություն ունեցող և դասավանդման մեթոդիկաներին վարպետորեն տիրապետող, իրենց գործի նվիրյալ դասախոսների՝ ինչ դասավանդման մեթոդներ են կիրառում նրանք ապագա ուսուցչի պատրաստման գործընթացում:



գործընթացն այսօր սպառված է. պետք է կարողանանք ներկայացնել նոր դասի մոդել»:

Ա. Գալստյանի կարծիքով այլընտրանքային դասերն այսօր առավել քան պետք են դպրոցին. զօրօրինակ, մայրենիի դասը բնության գրկում, գրադարանում կամ թանգարանում:

Դասախոսն այդպիսի փորձառություն ունի. Հունգարիայի Պիտեր Պազմանի համալսարանի ուսանողներին, որոնք մեկ կիսամյակ, սովորել են Խ. Աբովյանի անվան հայկական պետական մանկավարժական համալսարանում, դասավանդել է հայոց լեզու սկսնակների համար: Դասերը հաճախ է անցկացրել բնության գրկում, շախմատ խաղալիս. որովհետև հայերեն առաջին բաները սովորելու և յուրացնելու համար դրանք լավագույն ձևն են:

Մեթոդիստներն այսօր պրպտունների մեջ են՝ ինչ դիդակտիկա կիրառել դասագործընթացում:

Ֆակուլտետում երկու ուսանող մագիստրոսական թեզեր են գրում «Հայոց լեզվի և գրականության ուսուցչի ժեստերը ուսումնական գործընթացում» թեմայով: Դասախոսները կարևորում են դա՝ ինչ ժեստային համակարգ կիրառի ուսանողը, որ այդ ժեստերը՝ որպես հաղորդակցման օժանդակ միջոցներ, մասստեն դասի արդյունավետության բարձրացմանը:

Ֆակուլտետում ուսանողները հաճախ են կազմակերպում դասեր, երբ ուսուցչի դերում աշակերտներն են: Սա նույնպես նոր մոդել է. ուսուցիչն ուղղորդում է, իսկ դասը վարում են աշակերտները:

Աշոտ Գալստյանը համոզված է՝ դասի ոչ ստանդարտ տեսակներ այսօր հրամայական են՝ ներմուծել հանրակրթական դպրոց:

Բանասիրական ֆակուլտետում ուսանողներին ոչ միայն մասնագիտական կրթություն են տալիս, այլև, հատկապես պրակտիկաների ընթացքում, սովորեցնում են ինչպես կողմնորոշվել մանկավարժական տարբեր իրավիճակներում: «Այսօրվա ուսուցիչը պետք է վերափոխվի, միայն գիտելիքը քիչ է, -ասում է Ա. Գալստյանը: Աշակերտը կարող է համակարգչով շատ բան իմանալ և յուրացնել, բայց այստեղ որակներ են պետք. մեր ուսուցիչը՝ հոգեբանական և մանկավարժական խնդիր է լուծում»:

Ըստ Ա. Գալստյանի՝ մանկավարժական ճգնաժամի պատճառները տարբեր են: Օրինակ, նախկինում դպրոց էին գնում 7 տարեկանից, այսօր՝ հինգուկես-վեց տարեկանից, նախկինում երկկազմ դասարաններ չկային, հիմա սահմանապահ գյուղերում այս խնդիրը շատ է դիտարկվում, և պետք է կարողանան մեթոդիկան առաջարկել ուսանողին, հատկապես, որ ֆակուլտետում սովորում են ասիանապահ գյուղերի ուսանողներ: Խնդիր- >3

ԼՐԱՀՈՍ

Հրեյանական ցուցահանդես

Մարտի 21-ին Երևանի Նկարիչների միության սրահում բացվեց Մանկավարժական համալսարանի 100-ամյակին նվիրված հրեյանական ցուցահանդես: Ներկայացվել էր Գեղարվեստական կրթության ֆակուլտետի 40 դասախոսի 122 աշխատանք՝ գեղանկար, գրքերեն, բատիկա, քանդակներ և զարդեր, դեկորատիվ-կիրառական արվեստի զանազան նմուշներ:

Ներկա էր համալսարանի ղեկավար կազմը, ելույթ ունեցան նորընտիր ղեկավար, հոգեբանական գիտությունների դոկտոր, պրոֆեսոր Սրբուհի Գևորգյանը, Հայաստանի նկարիչների միության նախագահ Սուրեն Սաֆարյանը:

Գեղարվեստական կրթության ֆակուլտետի շրջանավարտ, նկարիչ Արթուր Օշականցին հրեյանական առթիվ իր մեծադիր ստեղծագործական աշխատանքներից մեկը նվիրեց համալսարանին՝ որպես տուրք համալսարանական իր վարպետ դասախոսների հիշատակին:

Շվեյցարացի ուսանողները՝

Մանկավարժականում

Փոխադարձ այցով մարտի 28-ից Մանկավարժական համալսարանի Գեղարվեստական կրթության ֆակուլտետում իրենց երկշաբաթյա պրակտիկան կանցկացնեն Շվեյցարիայի Ցյուրիխի, Բազելի և Լյուցերնի արվեստի համալսարանների կերպարվեստի մանկավարժության բաժնի 7 ուսանողներ: Երեք դասախոսի ուղեկցությամբ նրանք կմասնակցեն կերպարվեստի բաժնի դասերին, կժամոթանան դասավանդման մեթոդիկաների առանձնահատկություններին:



Ի դեպ, փոխանակման ծրագրի շրջանակում նրանց են միացել նաև Վրաստանի Իլյայի անվան պետական և Աբխազիայի անվան մանկավարժական համալսարանների 4 դասախոս:

Շվեյցարացի ուսանողները կայցելեն հանրապետության տարբեր ավագ դպրոցներ, կմասնակցեն պրակտիկ դասերի, համատեղ քննարկումներ կանեն:

Արտերկրի դասախոսներին և ուսանողներին ողջունեց ՀՀԿՄՎ Միջազգային և աշխատակազմի ղեկավար պրոֆեսոր Սարգիսյանը: Նա կարևորեց «Արտաս» հիմնադրամի նախաձեռնությամբ փոխանակման ծրագիրը, որը համալսարանների համար երկուստեք օգտակար կլինի: Պրոֆեսորը հույս հայտնեց, որ ծրագիրը շարունակական կլինի և հետագայում ավելի շատ ուսանողներ կընդգրկվի:

Ֆակուլտետի ղեկան, արվեստագիտության դոկտոր, պրոֆեսոր Արա Հակոբյանն ասաց, որ ծրագիրն արդեն երկու տարի իրականացվում է: Փոխադարձ այցերի ընթացքում կփորձեն գտնել երկու երկրների համալսարանների դասավանդման մեթոդիկաների ընդհանրությունները, հայ-շվեյցարական դասավանդման մեթոդների համատեղելի կողմերը՝ միաժամանակ ուսուցման մեթոդների մեջ հաշվի առնելով ազգայինը:



ԼՐԱՀՈՍ

ՀԵՐԹԱՎԱԿԱՆ ՑՈՒՑԱԴՐՈՒԹՅՈՒՆԸ

ՀՊՄՀ գիտական գրադարանի հունամիտար ընթերցասրահում բացվեց հերթական ցուցադրությունը...

Ցուցադրությունը ընդգրկում է 1930-2022 թվականներին հրատարակված նյութերը...

Ցուցահանդեսում տեղ են գտել նաև դոկտոր, պրոֆեսորներ Մկրտիչ Մազմանյանի, Հովսեփ Թուրուբյանի, Սերգեյ Արզումանյանի...

Ցուցադրության բացմանը ելույթ ունեցավ ՀՊՄՀ ղեկավար Սրբուհի Գևորգյանը: Նա Մանկավարժական համալսարանի Հոգեբանության ֆակուլտետի շրջանավարտ է...

«Մանկավարժական համալսարանում մանկավարժության և հոգեբանության առաջնորդությունը պայմանավորված է մանկավարժական առաքելությամբ»,-ամփոփեց Ս. Գևորգյանը:

Հոգեբանության ասպարեզի, Հայաստանում և Մանկավարժական համալսարանում նրա զարգացման դրսևորումների ու հոգեբանների տարբեր սերունդների մասին խոսեց հոգեբանական գիտությունների դոկտոր, պրոֆեսոր Կամո Վարդանյանը:

Ելույթ ունեցան հոգեբանության ամբիոնի վարիչ Մարիաննա Ավետիսյանը և դոցենտ Հակոբ Թադևոսյանը, ով Հոգեբանության ֆակուլտետի առաջին շրջանավարտներից է:

Բանասիրական գիտությունների դոկտոր, պրոֆեսոր Լալիկ Խաչատրյանը փաստեց՝ լեզվի ծագման հիմքում հոգեբանությունն է, իսկ հոգեբանությունը մեծ սնունդ է տալիս լեզվաբանությանը:

«Այստեղ են ձևավորվել հոգեբանության ավանդույթները և հիմունքները»,-ասաց դոցենտ Լևոն Սարգսյանը: Հոգեբանական գիտությանը նվիրված ելույթները իսկապես դաս են ուսանողների համար՝ նկատեց գրադարանի տնօրեն Տիգրան Պետրոսյանը:

Դասավանդման...

Չ՞նրը տարբեր են. ուսուցչի համար ոչ միայն դժվար է միաժամանակ նույն դասարանում աշխատել տարբեր տարիքի երեխաների հետ...

«Սովորաբար դասավանդման գործընթացում ես առավելությունը տալիս եմ գործնական բնույթի առաջադրանքներին: Աշխատանքները բազմազան են լինում, բայց ես սիրում եմ խմբային աշխատանքը, երբ ուսանողները ակտիվ են լինում: Ընդհանուր հարցման ընթացքում ուսանողների խմբային ակտիվությունը շատ կարևոր է»,-ասում է մանկավարժական գիտությունների թեկնածու, պրոֆեսորի պաշտոնակատար Գայանե Խալաթյանը:

Ինտերակտիվ ուսուցման մեթոդը Գ. Խալաթյանը կիրառում է և՛ դասախոսությունների ընթացքում, և՛ գործնական դասերին: Ինտերակտիվ ուսուցումն իր կենսափորձում կարևոր տեղ ունի. «Ես դա կիրառել եմ անգամ հին մեթոդական դասընթացներն իրականացնելիս և հիմա նույնպես: Երբ ասում եմ, թե ավանդական ուսուցումն ուսանողակներուն չի եղել կամ աշակերտակներուն, ես դրա հետ համաձայն չեմ: Դա կախված է ուսուցչից ու դասախոսից. դասախոսն այնպես է կազմակերպում դասը, որ դառնա ուսանողակներուն, ուսուցիչն այնպես է կազմակերպում դասը, որ դառնա աշակերտակներուն»:

Գայանե Խալաթյանը նախկինում երկար տարիներ աշխատել է հանակրթական դպրոցում, զուգահեռ՝ նաև համալսարանում, դեռևս դպրոցում աշխատելու ընթացքում գիտական կոչումներ է ստացել և շատ բան գիտի իր տարիների փորձից:

«Երբ նոր էի մտել դպրոց, ինձ համար մեթոդ էի մշակել,-շարունակում է Գ. Խալաթյանը,-նոր դասի հաղորդումն անգամ պետք է անես աշակերտի միջոցով: Աշակերտը պետք է վերջում եզրակացնի՝ ինչի հանգեցինք մենք: Նույնը ես անում եմ համալսարանում»:

Գ. Խալաթյանը վստահեցնում է՝ դպրոցի կենսափորձն իրեն շատ է օգնում համալսարանում դասավանդելիս: Դասագործընթացում իր կիրառած հնարներն ու մեթոդները ուսանողներն օգտագործում են իրենց մանկավարժական պրակտիկայի ընթացքում: Դասախոսը նաև փաստում է, որ դասի ընթացքում նախապես պլանավորածը շատ հաճախ փոխվում է՝ ելնելով ուսանողների հարցումներից:

Մանկավարժական գիտությունների թեկնածու, դոցենտ Ռուզան Դոլուխանյանն էլ հավելում է, որ գրականության դասին ավելի հաճախ է փոխվում պլանավորման ընթացքը, իսկ «ակտիվ մեթոդները նորություն չեն. դրանք անտիկ շրջանից եկած մեթոդներ են և հատկապես թափ ստացան 20-րդ դարի 30-ական թվականներին ակտիվ խաղերի միջոցով»:

«Ես սովետական դպրոց եմ ավարտել, հիշում եմ, որ ավանդական դասերն էլ վարելիս նման մեթոդներ էիք կիրառում, պարզապես երբեմն հինը ներկայացվում է նոր անվանումներով ու ձևակերպումներով: Ավանդականը նույնպես հետամուտ է լինում այդ նպատակին՝ ունի և՛ խթանում, և՛ իմաստի ընկալում, և՛ կշռադատում»,-ասում է Ռ. Դոլուխանյանը:

Ուսանողական համակազմի մասին խոսելիս նա ասում է, որ classroom համակարգը լայն հնարավորություններ է ընձեռում. դասախոսը նյութը նախապես տեղադրում է, և ուսանողները դասի են ներկայանում արդեն պատրաստված, հիմնական նյութը յուրաքանչյուր, ինտերակտիվ քննարկում է լինում՝ տարբեր մեթոդների կիրառմամբ:

«Բանասիրությունն այն ուղորտն է, որն ինքնաբերաբար թելադրում է իր մեթոդները հայոց լեզվի և գրականության դասավանդման ընթացքում»,- ընդգծում է Գ. Խալաթյանը՝ նկատելով, որ վերջին տարիներին դպրոցական համակարգում մեթոդական ուղղվածությունը մի փոքր ակտիվացել է, ուսուցիչների մի խումբ էլ ծրագրերի վրա է աշխատում:



Ռ. Դոլուխանյանը փաստում է. «Մեր ուսանողները պրակտիկայի ընթացքում դպրոցներում կիրառում են մեր դասավանդման մեթոդները, բավականին արդյունավետ դասեր են վարում, և ուսուցիչները նրանցից սովորելու բան ունեն»:

Երբեմն փաստերն ավելի խոսում են. կան հին սերնդի ուսուցիչներ, որոնք դեռևս աշխատում են դպրոցում, նրանք տարիների փորձառությամբ իրենց գիտելիքները խորացրել են, բայց չեն ընդունում նոր մեթոդական համալիրը և դասավանդում են ավանդական մեթոդներով: Մենք ավանդականն ու հինը զուգակցում ենք սովորաբար, այս նորը հնի կրկնությունն է, ուղղակի մի փոքր ճիշտ պետք է իրականացնել, նախկինում էլ միասնական ինտերակտիվ ուսուցում է եղել, բայց համարել են ուսուցչակներուն:

Կան նաև նորավարտ ուսուցիչներ, որոնք նոր տեխնոլոգիաների օգնությամբ դասը հետաքրքիր են դարձնում, որը աշակերտին գրավում է: Դա ևս օգտավետ է»:

Ուսուցչի կամավոր ատեստավորման մասին խոսելիս Ռ. Դոլուխանյանն ասում է՝ ուսուցիչն ամենախոցելի խավն է, նրա վարկանիշը պետք է բարձրացնել, իսկ Գ. Խալաթյանը՝ շեշտում՝ ուսուցչի ստեղծագործական աշխատանքի դիմաց աշխատավարձի բարձրացումը շատ կարևոր է և անհրաժեշտ, բայց կամավոր ատեստավորումը շատերին մղում է միայն սոցիալական վիճակի բարելավմանը, և այս գործընթացը կարծես չի նպաստում ուսուցչի կոչման վերաժողովմանը:

Իսկապես 21-րդ դարի ուսուցչի առջև ծառայած մարտահրավերները շատ են ու բազմազան. պետք է նրանց համակողմանի աջակցություն ցուցաբերել՝ համալսարան-դպրոց-համալսարան եռակողմ կապի ամրապնդումով՝ դասավանդման մեթոդիկաների ճիշտ կիրառումը դարձնելով արդյունավետ դասի իրականացման ամենակարևոր բաղադրիչը:

Սիլվա ԱՍՐՅԱՆ

ԼՐԱՀՈՍ

ԱՐԺԱՆԱՑԱԿ ՄՐՑԱՆԱԿԻ

Մանկավարժական համալսարանի Կուլտուրայի ֆակուլտետի ռեժիսուրայի ամբիոնի դասախոս Քրիստինե Պողոսյանն արդեն 21-րդ անգամ անցկացվող «Արտավազ-2022» ամենամյա «Արտավազ» մրցանակաբաշխության արժանացավ մրցանակի «Լավագույն թատերագիտական հոդված» անվանակարգում՝ «Հաջողված թռիչք»



հոդվածի համար: Անվանակարգն առաջին անգամ էր ներկայացվում մրցանակաբաշխությանը. Մանկավարժական դասախոս Քրիստինե Պողոսյանը «Լավագույն թատերագիտական հոդված» անվանակարգի առաջին մրցանակակիրն է: Նման մրցանակի նա առաջին անգամ է արժանանում:

«Սկզբնական կրթության հիմնախնդիրները»

Բուհի 100-ամյակի շրջանակում համալսարանական ֆակուլտետները կազմակերպում են գիտաժողովներ, որոնք նվիրվում են ուղորտի հիմնախնդիրների քննարկմանը: Հերթական գիտաժողովը, որը միջազգային ընդգրկում ուներ, նվիրված էր սկզբնական կրթության հիմնախնդիրներին: Սկզբնական կրթության ֆակուլտետի գիտաժողովին մասնակցում էին դասախոսներ, ասպիրանտներ և ուսանողներ:

Գիտաժողովին բացման և ողջունի խոսք ասացին ՀՊՄՀ ուսումնագիտական գծով պրոռեկտոր Մարիան Իսախանյանը և Սկզբնական կրթության ֆակուլտետի փոխդեկան Լուսինե Պողոսյանը:

Լիագումար Ռիստուն հետաքրքիր գեկուցումներ ներկայացրին Մայրենիի և նրա դասավանդման մեթոդիկայի ամբիոնի դոցենտներ Լիլիթ Տեր Գրիգորյանը և Եվա Մնացականյանը:

Դոցենտ Լիլիթ Տեր-Գրիգորյանն իր «Հայոց լեզու և գրականություն» դասընթացը որպես տարրական դպրոցի ուսուցչի արժեհամակարգի ձևավորման միջոց» գեկուցման մեջ արժևորեց առարկան և նրա դերը տարրական դպրոցի ուսուցչի արժեհամակարգում: Նա անդրադարձավ այն հարցին, թե դասընթացի առանձնահատկությունը պետք է պայմանավորված լինի ազգային ու պետական գաղափարախոսությամբ, ելնի շատ կոնկրետ ռազմավարական շահերից, ելնելով մեր երկրի առջև ծառայած մարտահրավերներից՝ պետք է փոխվեն մեր կրթադաստիարակչական առաջնահերթությունները:

Դոցենտ Եվա Մնացականյանը ներկայացրեց Թումանյանի «Քաջ Նազարը»՝ Նիկոլ Աղբալյանի գեհատմամբ՝ բացահայտելով նազարականության համախոստանի շահարկման ձևակերպումներն ու վերջինիս վերաբերմունքը՝ մի՞թե հնարավոր չէ ձերբազատվել հասարակությանը համակած այդ ախտից:

Լիագումար Ռիստուն լսեցին ևս երկու՝ ասպիրանտ Սյուզի Գինոսյանի և մագիստրոս Ռիմա Մուրադյանի գեկուցումները՝ «Մանկավարժական սինթեզի կայի ելույթները մասնագիտական կրթության ոլորտում» և «Մաթեմատիկայի և շախմատի միջառարկայական կապերը՝ ինտեգրված ուսուցման համատեքստում»:

Գիտաժողովն իր աշխատանքը շարունակեց մասնախմբերում:



**-Հարգելի պարոն Հակոբյան, Հայաստանի նկարիչների միության արահուճ բացված հոբելյանական ցուցահանդեսը՝ նվիրված ՀՊՄՀ 100-ամյակին, լավագույններից էր, որտեղ ներկայացվել էին Մանկավարժական համալսարանի նկարչության բաժնի դասախոսների ստեղծագործական աշխատանքները: Ի՞նչ կասեք այդ կապակցությամբ:**

-Շուրջ վեց ամիս պատրաստվել ենք այդ ցուցահանդեսին: 40 արվեստագետ մասնակցեց ցուցահանդեսին, ներկայացվեց 122 աշխատանք: Պետք է նշեն, որ այն և՛ պատվաբեր էր, և՛ պարտավորեցնող, որովհետև մեր աշխատանքները ներկայացնում էինք ոչ միայն արվեստասեր հասարակությանը, այլև մեր ուսանողներին: Դասերի ընթացքում, արվեստանոցային միջավայրում, ուսանողները շատ ժամանակ



**դեր է խաղում դասախոսի խանդը...**

-Լավ հարց էր, մասնավորապես որ արվեստագետի մոտ խանդը նկատելիորեն առկա է: Բայց գիտե՞ք նաև, որ աշակերտը մշտապես պետք է գերազանցի վարպետին: Շատ ժամանակ մենք ավելի հպարտանում ենք, որ մեր նախկին սանը մեծ հաջողությունների է հասնում: Ինչ-որ տեղ դա հարաբերական է, դժվար համեմատելի... դա ժամանակն է ջույգ տալիս:

Աշակերտի հաջողությունը նաև իր ուսուցչի հաջողությունն է, վերջինս պետք է ծնողական, հայրական վերաբերմունք դրսևորի. և այդպես էլ կա:

**-Դասավանդման մեթոդներն այսօր բավարարո՞ւմ են դասախոսին, ուսանողին:**

-Մեթոդներն այսօր գլոբալ առումով կարծես թե երկուսն են՝ ակադեմիական դասավանդման սկզբունքները, որի մասին խոսեցինք, և մասնավորապես, արևմտյան երկրներում շեշտը դրված է ազատության մեթոդի վրա: Իմ կարծիքով այդ երկուսի համադրումը պետք է լինի իդեալականը, որին մենք գնում ենք: Դուք գիտե՞ք, որ մենք համագործակցում ենք Ցյուրիխի արվեստների համալսարանի հետ, որի մասնագետները ևս գտնում են, որ որ երկուսի համատեղումն ավելի ճիշտ է: Լսարանում մտալուց դուրս թերևս պետք է գտնել մոր լուծումներ՝ հաշվի առնելով նաև ազգային մեթոդները: Ցանկացած մոր դա դեռ լավ չէ, հինը պահելը մույնպես լավ չէ, մենք պետք է գնանք առաջ՝ հաշվի առնելով նաև զարգացած երկրների մեթոդները, բայց չմոռանալով մեր ազգայինը, մեր ավանդույթները:

Այս հարցի շուրջ մենք զրուցել ենք նաև Ֆիլանդիայի մեր ընկերների հետ: Մեր ֆակուլտետ են այցելել Ռուս արվեստագետ-մանկավարժների միության անդամները, սերտ կապեր ունենք Մոսկվայի մանկավարժական համալսարանի հետ. պետք է ասել, որ ռուսական կրթական մեթոդները շատ ավելի դասական են և մոտ են մեր մեթոդներին, սակայն, ինչպես ասացի, պետք է ուսումնասիրել նաև արևմտյան մեթոդները և վերցնել լավը:

**-Ի՞նչ կմտաբերեք մեր ապագա նկարիչներին:**

-Երբ արտերկրում փողոցում կանգնած էտյուդե սեսիոն, մանուկ ու մեծ մոտենում են, հաճելի խոսքեր ասում, նկարվում նկարչի հետ. սա շատ շուրջ համագամանք է արվեստագետի համար... Ես կմտաբերեմ մեր ուսանողին, ապագա նկարիչներին, արվեստագետներին՝ այդ միջավայրում գործեն, գնահատվեն, սիրվեն հասարակության կողմից, ինչն ավելի կոզևորի և կխթանի նրանց ստեղծագործական միտքը:

**-Ուրիշ ինչ՞ մասին կուզեիք խոսել:**

-Բնության մասին: Առանց բնության չկա նկարչություն: Մենք մեր ուսանողներին հաճախ ենք տանում բնության մեջ նկարելու, թեև արվեստանոցային միջավայրն էլ կարևոր է: Բնությունը, պլեները շատ կարևոր են, և մենք մեր ուսանողների մեջ փորձում ենք սեր և ճանաչողություն արթնացնել դեպի բնությունը: Որովհետև բոլորը մայրն են, իսկ արվեստագետները՝ տեսնում:

**Հարցազրույցը՝ Սիլվա ԱՍՐՅԱՆԻ**

# ԲՈԼՈՐԸ ՆԱՅՈՒՄ ԵՆ, ԻՍԿ ԱՐՎԵՍՏԱԳԵՏԸ ՏԵՍՆՈՒՄ Է

ՄԵՐ ՀԱՐՑԱԶՐՈՒՅՑԸ ՀՊՄՀ ԳԵՂԱՐՎԵՍՏԱԿԱՆ ԿՐԹՈՒԹՅԱՆ ՖԱԿՈՒԼՏԵՏԻ ԴԵԿԱՆ ԱՐԱ ՀԱԿՈԲՅԱՆԻ ՀԵՏ

շվիում են դասախոսի մանկավարժական մեթոդների հետ, բայց նրանց ստեղծագործություններին ծանոթ չեն: Սա ևս մեկ առիթ էր, որպեսզի ուսանողները մոտիկից ծանոթանան իրենց վարպետների ստեղծագործություններին:

Այցելումները պետք է գնահատեն ցուցահանդեսի հաջողվածությունը, սակայն ես՝ որպես ուղորտի ներկայացուցիչ, պետք է ասեմ, որ բավականին հաջողված ցուցահանդես էր, և մենք կարողացանք Նկարիչների միությունում մեր ստեղծագործություններով պատշաճ ներկայացնել հարազատ բուհի 100-ամյակը, ինչու չէ, նաև ցույց տալ արվեստասեր հասարակությանը, որ ժամանակին մեծանուն մի շարք արվեստագետներով հայտնի մեր ֆակուլտետում այսօր էլ բավականին ճանաչված արվեստագետներ են աշխատում, դաստիարակում և կրթում մոր սերնդին:

Ցուցահանդեսը բազմաբնույթ էր. ներկայացված էին գեղանկարչական աշխատանքներ, իհարկե դրանք գերիշխող էին, գրաֆիկական և դեկորատիվ կիրառական արվեստի տարբեր ճյուղերի ստեղծագործություններ՝ գորելեն, բատիկա, փայտի փորագրություն և մետաղյա աշխատանքներ... Ցուցադրությունը նաև ներկայացնում էր, թե ինչ մասնագիտությունների վարպետներ են մեզ մոտ աշխատում:

**-Ի՞նչ են տալիս նման ցուցահանդեսները ճանաչելիությունից և մարդկային շփումներից զատ:**

-Ամենակարևորը՝ գեղագիտական ճաշակ են սերմանում այցելուների մեջ: Այսօր ցուցասրահները բավականին շատ են և միշտ չէ, որ մեծ թվով այցելուներ են ունենում: Բայց պետք է ասել, որ մեր ցուցահանդեսը բավականին մարդաշատ էր, այցելուների նման հոսքի միջտ չէ, որ համդիպում են նման ցուցահանդեսներին:

**-Որքանո՞վ են դիմորդները նախընտ-**

**րում Մանկավարժական համալսարանի Գեղարվեստական կրթության ֆակուլտետի նկարչության բաժնի: Ինչո՞վ է այն գրավիչ հանրապետության արվեստի այլ կրթօջախներից:**

-Ի տարբերություն Գեղարվեստի ակադեմիայի, մենք տալիս ենք նաև մանկավարժի որակավորում, և դա շատ ավելի գրավիչ է: Պետք է հավելեն, որ որքան էլ բարդ լինի արվեստագետի ուղին, շատ ծնողներ հակված են իրենց երեխաներին տալ այնպիսի մասնագիտությունների, որոնք մղում են դեպի գեղեցիկը:

**-Արդյո՞ք կարելի է ասել, որ Մանկավարժականը նկարչության յուրահատուկ դպրոց է, Ի՞նչ հետաքրքիր ավանդույթներ ունեք:**

-Ֆակուլտետը շատ ավանդույթներ ունի: Որքան էլ ժամանակները փոփոխական են, որը բերում է նորարարական արվեստ, մենք նախընտրում ենք ուսանողին տալ ակադեմիական կրթվածություն. սա այբուբենն է, որը հետագայում շրջանավարտը պետք է կարողանա սովորեցնել իր աշակերտներին: Դրա համար մեր բակալավրիատի և մագիստրատուրայի, մասնավորապես բակալավրիատի պլաններում, մանրակրկիտ ուսումնասիրված է գիծը, գույնը, այդ հեռանկարի ուսուցումն ու մեթոդները, կոմպոզիցիան, որով մենք կարողանում ենք գրագետ մանկավարժ-արվեստագետներ թողարկել:

Ավարտելուց հետո նրանք արդեն կարող են աշխատել նախընտրած ուղղություններով:

**-Ունե՞ք վիճակագրություն՝ ուր են գնում Ձեր շրջանավարտներն ավարտելուց հետո՝ հանրակրթական դպրոցներ, արվեստի կրթօջախներ, թե ուղղակի զբաղվում են նկարչությամբ: Այս մասնագետների պահանջարկ կա՞:**

-Պահանջարկ կա, ցավոք ոչ բոլոր

շրջանավարտներն են դպրոց մտնում, ինչը պայմանավորված է մի շարք գործոնների առկայությամբ. այս մասնագիտության ուսուցչի պահանջ հիմնականում կա մարզային դպրոցներում, իսկ շրջանավարտի համար հեռավորությունն արդեն խնդիր է:

Մենք ուրախանում ենք, երբ շրջայցերի ժամանակ տեսնում ենք մեր նախկին ուսանողներին որպես կայացած ուսուցիչներ, բացի այդ, նաև կայացած արվեստագետներ, և՛ միության, և՛ ազգային պատկերասրահի կազմակերպած ցուցահանդեսներում հանդիպելով մեր շրջանավարտների անուններին՝ հպարտանում ենք: Դա մեզ համար ամենամեծ պարգևն է:

**-Որպես նկարիչ, արվեստագիտության դոկտոր, պրոֆեսոր՝ կասե՞ք ինչն է նկարչին ավելի շատ ճանաչում բերում՝ թեմայի, ասելիքի, գույների ու ոճի ընտրությունը ու ներդաշնակությունը:**

-Այս հարցին մասնագիտորեն մոտենում: Ցավոք, շատ նկարիչներ հաճախ բարձրաձայնում են, թե մոր ոճ են ստեղծել... Դա ծիծաղելի է. մի քանի տարում մոր ոճ չի ստեղծվում, և դա անհատով չի պայմանավորված: Դա դպրոց է, ավանդույթներ են, որ ձևավորվում են ավելի երկար ժամանակահատվածում: Ես կասեի՝ նկարչի համար ամենակարևորը ինքնատիպությունն է, իր սեփական ձեռագիրն ունենալը: Փորձենք ավելի զուսպ լինել, որովհետև արվեստագետի գեղեցկացնում է համեստությունը: Որովհետև կարելի է ասել՝ և՛ նկարչի, և՛ դեկորատիվ-կրտական արվեստի, և՛ մյուս, ճյուղերի համար հետաքրքիր, ինքնատիպ ձեռագիրն արդեն արդյունք է և գնահատական: Եթե մենք դրան հասնում ենք՝ ուրեմն կայացած արվեստագետ ենք:

**-Լինո՞ւմ է, որ ուսանողը գերազանցում է դասախոսին, այդ դեպքում ի՞նչ**

## ՀԱՄԵՐԳ-ԱՅԻՆ ԱՅՑ

Մանկավարժական համալսարանը 100 տարեկան է, և բոլոր ֆակուլտետները յուրովի են տոնում հոբելյանը:

Համագործակցելով Երևանի Գայի անվ. N129 հիմնական դպրոցի հետ, Կուլտուրայի ֆակուլտետի երաժշտության ամբիոնը կազմակերպել էր համերգային ծրագրով այց:

«Արդեն 100 տարի է, ինչ մեր բուհում կրթվում են հասարակության արժանի մաս կազմող բազմաթիվ ուսանողներ, ասել է թե Մանկավարժական համալսարանն իր կարևոր տեղն ունի Հայաստանի կրթական, գիտական և մշակութային կյանքում»,- այս խոսքերով սկսվեց համերգային ծրագիրը, որը կրում էր «Կանոն: Պիտի լինենք: Ու դեռ - շատանանք» խորագիրը:

Ուսանողների մեջ հուզմունք ու լարվածություն չկար, ասում են՝ մասնագիտության բերումով հաճախ են ելույթներ ունենում, վաղուց սովորել են չլարվել:

Համերգի մեկնարկն ազդարարեց «Ձվաթթնոց» քանոնահարմերի անսամբլը (զեդ. դեկ.՝ ՀՀ ժողովրդական արտիստ, պրոֆեսոր Հասմիկ Լեյկոյան), որը կատարեց երեք ստեղծագործություն: Աղջիկները վերջերս Գյումրիում կայացած «Վերածնունդ» միջազգային փառատոնում արժանացել էին «Գրան Պրի» մրցանակի: Քանոնահարմերի ան-

սամբլին հաջորդեց Կուլտուրայի ֆակուլտետի երաժշտության ամբիոնի ազգային նվագարանների նվագախմբի կատարումը (զեդ. դեկ.՝ ՀՀ վաստակավոր արտիստ, պրոֆեսոր Նորայր Դավթյան):

Գիրիժորությամբ հանդես եկան 4-րդ կուրսի ուսանողներ Նվարդ Ավետիսյանը և Նոնա Ղազարյանը, նաև շրջանավարտ Ազատ Ասլանյանն՝ իր հեղինակային «Ժամանակ» ստեղծագործությամբ:

Դուդուկահարմերի անսամբլը (դասախոս՝ պրոֆեսոր Հրաչյա Նազարյան) կատարեց Խոսրովիդուխտի՝ 8-րդ դարում գրված «Ձարմանալի է ինձ» ստեղծագործությունը:

Երևանյան ջերմ ռիթմեր բերեց ջազ նվագախումբը (զեդ. դեկ.՝ ՀՀ ժողովրդական արտիստ, պրոֆեսոր Երվանդ Երզնկյան) կատարելով Արտեմի Այվազյանի «Ձա՛ն, Երևան» ստեղծագործությունը:

Գիուկահարմերի (դեկ.՝ Արազ Օրդիյան)՝ «Հայկական ռիթմեր» կատարման հետ համադրմամբ հիանալիորեն փայլեց փողային նվագախումբը (զեդ. դեկ.՝ դոցենտ Կոլյա Մար-

տիրոյան), որը կատարեց Արա Գևորգյանի «Արցախ» ստեղծագործությունը:

Հաջորդաբար հնչեցին Ռոբերտ Պետրոսյանի «Արևելյան պար» և Էդգար Հովհաննիսյանի «Սարդարապատ» ստեղծագործությունները:

Համերգի վերջում Կուլտուրայի ֆակուլտետի երաժշտության ամբիոնի գործիքային կատարողականության բաժնի ուսանողները նվագեցին Ա. Մարտիրոսյանի «Հայկական բանակը»:

Ողջույնի խոսքով հանդես եկավ Կուլտուրայի ֆակուլտետի դեկանի տեղակալ, ք.գ.թ., դոցենտ Արտաշես Մարտիրոսյանը: Նա իր խոսքում մշեց հանրակրթության ոլորտում աշակերտների գեղագիտական դաստիարակության ոչ այնքան բարձր մակարդակի մասին, համառոտ ներկայացրեց համալսարանի պատմությունը և Կուլտուրայի ֆակուլտետի դերակատարումը 100-ամյա պատմության մեջ:

Համերգի գեղարվեստական ղեկավար, երաժշտության ամբիոնի վարիչ Արա Գևորգյանն էլ մշեց, որ այսպիսի համերգային այցերն ունենալու են շարունակական բնույթ:

**Ժեննի ԱՐԳՈՐՅԱՆ**



# Դասախոսություն. Պետրոս Դուրյանի «Տրտունջքը»

Խաչատուր Աբովյանի անվան հայկական պետական մանկավարժական համալսարանի 100-ամյակին ընդառաջ մարտի 10-ին իրականացավ ՀԱՄՀ հեռակետային վարժարանի 10-րդ դասարանի (ուսուցիչներ՝ Օֆելյա Ավագյան, Աստղիկ Բոյաջյան) և Հ. Ավետիսյանի անվան №74 դպրոցի 8-րդ դասարանի (ուսուցիչ՝ Սիրանուշ Հակոբյան) սաների համար նախատեսված այցելությունը «Սփյուռք» գիտաուսումնական կենտրոն: Նրանց հյուրընկալել էր կենտրոնի տնօրենը՝ Վ. Պարտիզուհու անվան հայ մոր և նորագույն գրականության և նրա դասավանդման մեթոդիկայի ամբիոնի վարիչ Սուրեն Դանիելյանը, որը հայ գրականագետ է, բանասիրական գիտությունների դոկտոր, պրոֆեսոր, Հայաստանի գրողների միության անդամ:



Պարոն Դանիելյանի մատուցմամբ ներկայացվեց Դուրյանի քնարերգությունը, մասնավորապես անդրադարձ կատարվեց «Տրտունջք» բանաստեղծության պատմությանն ու ակունքներին, կարևորվեց ստեղծագործության էությունը, վերջինիս հոգեբանական և գեղագիտական արժեքը:

Այդ, շատերն են խոսել և գրել «Տրտունջք»-ի մասին, սակայն ասելիքը չի սպառվում այդ հազվագյուտ երկի վերաբերյալ, որովհետև, ինչպես Հր. Թամրազյանն էր կարծում, «հավերժական երկերը հավերժական նյութ են նաև գրականագիտության համար...»:

Անդրադառնալով «Տրտունջք»-ը վերլուծող Սուրեն Դանիելյանի ներկա-

յացմանն ու համոզմունքին՝ նկատում ենք, որ նա բանաստեղծության սկիզբը սովորաբար տեսնում է սոսկ որպես Դուրյանի հրաժեշտի մեղմ խոսքը՝ ուղղված Աստծուն ու արևին:

Քննարկմանը ներկա սաների կարծիքով՝ վիճակը մի փոքր փոխվում է «Տրտունջք»-ի սկսվածքի մեջ, երբ փորձում ենք, բացի հրաժեշտի տրամադրությունից, տեսնել նաև խռովք: Նրանք այն կարծիքին էին, որ բանաստեղծի հետազա խոսքը գերազանցապես դառ-

նում է գեղարվեստական պատկերավոր խորհրդածություն:

Ըստ Սուրեն Դանիելյանի՝ հրաժեշտը արևին բանաստեղծի՝ իրական կյանքից մոտալուր բաժանման թաքուն ցավն է, որ կուտակվել է նրա սրտում, ուրեմն նրա «մնաց բարով»-ը իր հոգու՝ վերև «պլպլացող» արևին այլ բան չէ, քան վաղաժամ վշտագին ու կսկծահար հրաժարումն աշխարհից: «Մնաց բարով»-ը ջերմությունից զերծ մնացած պատանու սրտի հառաչն է Արևին:

Բանաստեղծության վերլուծությունից պարզ է դառնում, որ Դուրյանի կրած անլուր տառապանքները նրան հասցրել են այնտեղ, որ նա հոգեկան և ֆիզիկական տագնապի մեջ ամբողջովին կորցրել է հավատն աստվածային կարեկցանքի հանդեպ և «մնաց բարով» ասելով Աստծուն՝ նաև այդ կերպ արտահայտել է իր դժգոհությունը նրանից:

«Տրտունջք»-ի տողերը շիկացած են մարդկային տառապանքով և Աստծու դեմ ուղղված դառնակակցից հեզմանքով ու հանդուգն խրոխտանքով:

Ամփոփելով վերլուծական աշխատանքը՝ պարոն Դանիելյանի ուղղորդմամբ ձևավորվեց համոզմունք, որ Դուրյանը ստեղծել է իր խորհրդաբանությունը, որտեղ աստղերը թշվառ հոգիների ողբագին անեծքն են, որ թռել են՝ այրելու ճակատը երկնքի, որը խնամող ու հոգացող է, մխիթարող և սպիտակ, դեպի որն ուղղված են երկրային իղձերն ու ցանկությունները՝ որպես փրկության միակ հնարավորություն:

Դասախոսության ավարտին երկուստեք պայմանավորվածություն ձեռք բերվեց՝ շարունակաբար այցելելու կենտրոն և մասնակցելու այսպիսի ուսանելի հանդիպումների:

Ներկա գտնվողները համաձայնեցին, որ գիտելիքը համալրելու և կարևորելու համար մնամտորինակ այցերի պարբերաբար կազմակերպումն ուղղակի անհրաժեշտ է:

**Օֆելյա ԱՎԱԳՅԱՆ**

## ՊԸԵՊԸՆԵԼՈՎԱԶԳԱՅԻՆԸ

ՈՂ-ում ՀՀ դեսպանությանը կից Մոսկվայի «Վերածնունդ» հայկական կիրակնօրյա դպրոցի ընթացիկ դասերին զուգահեռ մարտի 13-ին անցկացվեց հետաքրքիր բաց դաս՝ նվիրված հայ մեծանուն նկարիչ, Հայաստանի նկարիչների միության անդամ Համազասպ Մխիթարյանի (ՀԱՄՈՒԶ) գործունեությանը:

Այդ օրը դպրոցի տնօրենի՝ մանկ. գիտ. թեկնածու Շողիկ Փախկանյանի հրավերով միջոցառմանը մասնակցեցին նաև վարպետի որդին՝ Էդգար Մխիթարյանը, և թոռը՝ Լևոն Մխիթարյանը: Վերջինը «Վերածնունդ» դպրոցի լավագույն սաներից է:

Տեսակոնֆերանսի ձևաչափով աշակերտներն ու ծնողները, ուսուցչական համակարգը հնարավորություն ունեցան առցանց ձևաչափով շփվել Համազասպ Մխիթարյանի և նրա տիկնոջ՝ Անահիտ Սահակյանի հետ, ովքեր ապրում են Երևանում: Ընդգծենք, որ Էդգար Մխիթարյանի շնորհիվ կիրակնօրյա դպրոցի սաներին բացառիկ հնարավորություն ընծեղվեց տեսնել նկարչի գեղեցիկ ու ինքնատիպ աշխատանքների բնօրինակները, ինչպես նաև լսել նրա անցած ուղու պատմության, կազմակերպած բազմաթիվ ազգային, տարածաշրջանային և միջազգային ցուցահանդեսների մասին (այդ թվում՝ Ռուսաստանում, Գերմանիայում, Իտալիայում, Ֆրանսիայում, ԱՄՆ-ում, Կանադայում, Ավստրալիայում և այլն):



Հանդիպումն անցավ ջերմ մթնոլորտում, նկարչին բազմաթիվ հարցեր ուղղվեցին, հնչեցին փոխադարձ շնորհակալական խոսքեր, բարեմաղթանքներ: Յուրօրինակ այս հանդիպումն ավարտվեց աշակերտների գրական և երաժշտական կատարումներով:

Հավելենք, որ 2020—2021 ուսումնական տարվա ամառային արձակուրդների ընթացքում «Վերածնունդ» դպրոցի սաները տնօրեն Շ. Փախկանյանի ուղեկցությամբ Երևանում հյուրընկալվեցին Համազասպ Մխիթարյանին, ծանոթացան նրա հետ, մասնակցեցին վարպետաց դասին:

Հայաստանից դուրս հայապահպանությանն ուղղված միջոցառումները շարունակական են. Մոսկվայի կիրակնօրյա դպրոցի սովորողներն իրենց մեջ կրում են ազգային ոգին՝ հայրենանվեր ուսուցիչների օգնությամբ պահպանելով ազգային ավանդույթները:

**Սոսկվա**

«Վերածնունդ» հայկական կիրակնօրյա դպրոց

## ՍԱՀՄԱՆԻՑ ԱՅՍ ԿՈՂՄ



ված. «Հայրենիքը սկսվում է սահմանից»: Հայրենիքն իրապես սկսվում է սահմանից, պարզապես հայրենիքի սկիզբը պահելու համար շատ կյանքեր և չապրած տարիներ են զոհաբերվում:

Ես հայ-աղբբեջանական սահմանի հյուսիս-արևելյան կողմում ծվարած մի փոքրիկ գյուղի բնակիչ եմ: Շատ լավ գիտեմ և զգում եմ, թե ինչ է նշանակում ապրել ամեն պահի պատերազմին սպասող սահմանի այս կողմում:

Այս կողմում ուրիշ կյանք կա. ես այդ կյանքը բաժանում եմ երկու խմբի կամ տեսակի: Առաջինն իր զինվորի ճամփին հավերժ սպասող մոր կյանքն է, երկրորդը՝ սահմանին կանգնած զինվորի համար աղոթող ու անհամբեր նրա տասնհինգօրյա վերադարձին սպասող ընտանիքի կյանքը:

Գիտե՞ք՝ իմ բաժին հացը կիսելիս անվերջ մտածում եմ սահմանին կանգնած հայրիկիս

Կյանքը եռո՞ւմ է: Սահմանից այս կողմ աշխարհն ուրիշ է. այստեղ մարդիկ են՝ իրենց ամենօրյա հոգսերով զբաղված, մյուս կողմում անվերջ կռիվ է, թեև սառն ու անծայն, բայց այնտեղ միշտ պատերազմ է, պատերազմ, որն ապրում է ամեն պահի սահմանը հսկող մեր զինվորը:

Ես սահմանապահ եմ... Օճվել եմ Շամշադինի շրջանում: Կանգնած սահմանին՝ հայ զինվորի թիկունքում, տեսել եմ պատերազմ ու արկերի ընկնելը տանս մոտ: Կարճ ասած՝ զիջերը աղոթքը շուրթիս անդորր երկնքի սպասող եմ:


Հայրենիքն այն դիրքն է և այն գյուղը, որտեղ ապրում ես և որը պահում քո իսկ արյան գնով: Այնքան գեղեցիկ է աս-

կուշտ լինելու մասին, իսկ գիշերը, երբ պետք է քնենք, տատս չի ծածկում տան դուռը՝ սպասելով, որ հայրիկը կգա...

Սահմանից այս կողմ լուռ պատերազմ է: Հազարավոր մարդիկ ամեն օր սպասում են այդ պատերազմին, որ ահա կսկսվի:

Չնայած այս ամենին՝ ես հպարտ կանգնած եմ իմ դիրքում, հողի վրա, քանի որ գիտեմ և վստահ եմ, որ սահմանին կանգնած եմ միշտ արթուն ու անսասան մեր հպարտ Ջինվորները:

**Սիլենա ԱՎԱԼՅԱՆ**  
Տավուշի մարզ, Մովսեսի միջնակարգ դպրոց, 11-րդ դասարան



# ՄԵԹՈԴԱՐԱՆ ՈՒՍԱԿՆՈՂՆԵՐԻ ԿՈՂՄԻՑ

Մանկավարժական համալսարանի Կրթության հոգեբանության և սոցիոլոգիայի ֆակուլտետի «Սոցիալական մանկավարժության» 2-րդ կուրսի ուսանողները մանկավարժական գիտությունների թեկնածու, դոցենտ Արուսյակ Գրիգորյանի «Մանկավարժության հաղորդակցում» և «Էթնոմանկավարժություն» դասընթացների շրջանակում մանկավարժության ամբիոնի դասախոսներին ներկայացրին դասի անցկացման իրենց մշակած մեթոդները: Ուսանողները 21 մեթոդները հանգամանորեն ներկայացրին «Մեթոդարան» փաթեթով:

Դոցենտ Արուսյակ Գրիգորյանի կարծիքով ուսանողների մշակած մեթոդները թերևս իրենց նախատիպը չունեն այլ բուհերում: Ուսանողները շտաբեր մեթոդների ուսումնասիրման հիման վրա ստեղծեցին իրենց մեթոդները, որտեղ հստակ պատկերվում է նպատակը, ընթացքը, վերջնարդյունքը:

Ուսանողներ Լիլիթ Թումանյանի, Լուսինե Լազարյանի, Անուշ Զակոբյանի, Սոնա Զարուհյանի, Լիանա Մարկոսյանի, Լիլիթ Պողոսյանի և Սիրանուշ Սահակյանի ներկայացրած մեթոդներն ուղղված են ինտերակտիվ ուսուցման և խմբային աշխատանքի ակտիվացմանը: Նրանք վստահ են՝ մեթոդները կարող են ձևավորել և զարգացնել սովորողների տրամաբանական մտածողությունը, քննադատական վերլուծության կարողություններն ու հմտությունները, համագործակցելու, հետազոտելու և ստեղծագործելու ունակությունները, ամրապնդել հիշողությունը:

Ուսանողների ներկայացրած «Հինգ մատների մեթոդ», «Արևի շողերը», «Չորսից մեկը», «Մտաբլիթ», «Տարվա եղանակները» և մյուս մեթոդները սովորողի համար դասն առավել հետաքրքիր, արդյունավետ, մատչելի ու դյուրին դարձնելու նպատակ են հետապնդում, որոնք կիրառելու ընթացքում հետազայում ավելի կմշակվեն:

Ուսանողներն այս մեթոդները մշտապես կիրառում են իրենց դասերի ընթացքում. նրանց կարծիքով դրանք ոչ միայն դպրոցական տարբեր տարիքի աշակերտների, այլև ուսանողների համար են:

Դոցենտ Արուսյակ Գրիգորյանի ասաց, որ ուսանողների հետ համագործակցության արդյունքում է ծնվել մեթոդները ներկայացնելու գաղափարը. «Յուրաքանչյուր դասի վերջում ուսանողներն ունենին հստակ մեթոդներով առաջադրանքներ, և այդ մեթոդները կարծես իրենց սպառել էին, որովհետև «Մանկավարժական հաղորդակցում» և «Էթնոմանկավարժություն» առարկաների շրջանակներում ամեն դասախոսության վերջում կարծես թե կրկնվում էին դրանք: Իսկ առանց այդ մեթոդների, և՛ տեսական, և՛ գործնական աշխատանքները չեն կարող ձևավորել այն վերջնարդ-

յունքները, որոնք չափազանց կարևոր են այսօր: Այդ մեթոդներով ձևավորվում են հմտություններ, կարողություններ, որոնք մենք ամփոփում ենք յուրաքանչյուր դասի վերջում: Գիտակցելով դրա կարևորությունը՝ ուսանողներն ուսումնասիրեցին մեթոդների դաշտը և ստեղծեցին իրենց սեփական մեթոդները»:

Դասախոսը լիահույս է՝ այս մեթոդները նպաստելու են ուսանողների՝ ապագա սոցիալական մանկավարժների անձնային և մասնագիտական որակների ձևավորմանը:

Ապագա սոցիալական մանկավարժ Լիանա Մարկոսյանը վստահեցրեց՝ ինքնուրույն հետազոտական աշխատանքի նպատակն էր՝ մշակել մեթոդներ, որոնք կնպաստեն դասի հետաքրքիր անցկացմանը, հիշողության կենտրոնացմանը, իսկ Սոնա Զարուհյանի կարծիքով՝ մանկավարժական գործընթացում կիրառելով իրենց ստեղծած մեթոդները՝ զարգացնում են քննադատական մտածողությունը, նպաստում ինքնուրույն հետազոտական աշխատանք կատարելուն:

Անուշ Զակոբյանն այս մեթոդների մշակումը համարում է իրենց փորձիկ ներդրումը, որը կնպաստի հաղորդակցական կարողությունների և ստեղծագործական մտածողության ձևավորմանը, խոսքի զարգացմանը: Ուսուցիչները կարող են այս մեթոդների կիրառմամբ դասն ավելի դյուրին ու մատչելի դարձնել սովորողների համար:

Սոֆյա Նազարյանը «Սոցիալական մանկավարժ» մասնագիտության առաջին շրջանավարտն է, իր մասնագիտությամբ աշխատում է շուրջ 7 տարի և անչափ ուրախ է, որը ընտրել է հենց այս մասնագիտությունը:

Մանկավարժության ամբիոնի վարիչ, պրոֆեսոր Վիդա Թոփուզյանը փաստեց՝ ընտրվել են մեթոդներ, որոնք արդիական են և ձևավորում են 21-րդ դարի հմտություններ, դրված են ճիշտ նպատակներ և վերջնարդյունքներ, և այդ առումով ուսանողները լավ աշխատանք են կատարել: Սակայն վերջինները պետք է կարողանան վերհանել իրենց իսկ ստեղծած մեթոդների թերություններն ու մարտահրավերները, նաև առաջին իրենք կարողանան կիրառել այդ մեթոդները: Ա. Թոփուզյանը հարցեր ուղղեց ուսանողներին, օրինակ, ինչպիսի՞ արդյունք են ակնկալում տարբեր մակարդակ ունեցող սովորողների հետ աշխատելիս:

Ամփոփելով՝ մանկավարժության ամբիոնի վարիչն իր գոհունակությունն ու հպարտության զգացումն արտահայտեց ուսանողների և դասախոսի կատարած աշխատանքի համոզեա՝ հորդորելով սնանատիպ մեթոդներ մշակել նաև իրենց մասնագիտության՝ սոցիալական մանկավարժի համար, իսկ ներկայացված մեթոդները տպագրել առանձին գրքով:

Սիլվա ԱՄՐՅԱՆ

## ՄԱՆԿԱՎԱՐԺԱԿԱՆ ԳՐԱԿՏԻԿ

# Գրատախտակի մոտ գալիս է...

Մեր կրթական ծրագրի անբաժանելի և կարևորագույն հատվածն է պրակտիկան, այս անգամ արդեն՝ կիրառական: Սա նշանակում է, որ դասարանի վերջում վախճված նստելու-լսելու շրջանն ավարտվեց: Հիմա դասարանում քո դիրքը գրատախտակի մոտ է՝ կանգնած, ուշադիր և սիրով, սիրով, սիրով:

Կիրառական պրակտիկան սկսվում է զարման սկզբին, ասել է թե՛ զարմանամուտին: Սա ուրախալի փաստ էր, մինչև այն պահը, երբ զգացինք, որ զարուհը տաք չէ, իսկ որոշած գույները միայն հոգում են լինելու և ոչ հագուստի տեսքով:

Երկրորդ հարկում են: Սպիտակ վերնաշապիկով են, ինչպես բոլոր կարևոր օրերին: Մանկավարժության սիրելի դասախոսն ասել է, որ ամեն օր դասարան մտնելուց առաջ պետք է մտածել՝ ինչպես բարևել աշակերտներին: Մտածում են՝ ինչպես բարևել, ինչպես սկսել դասը, ինչպես, ինչպես...



Ձարմացած են՝ բոլորի անուններն անգիր գիտեն: Իզուր էի իրենց նույնիսկ ֆիզիկայի դասերին վերջին նստարանին նստած: Սիրելու համար ճանաչել է մասի պետքը. Լիլիթը ֆիզիկա է սիրում, Ռաֆայելը՝ երկրաչափություն, Մերին՝ հայոց լեզու. Նրանք յոթերորդ դասարանում են սովորում, դեռ յոթերորդ, ընդամենը յոթերորդ: Ձենքից են խոսում, ասում են՝ զենքը սրբություն էր սասունցիների համար: Նարեկը զարմանում է, ասում.

-Ձենքը ամենադաժան բանն է. ո՞նց կարող է սրբություն լինել:

Նարեկն ասում է, որ երբ դեռ փոքր էր (հիմա մեծ է), կարծում էր, որ շատ հպարտ է, որ հայ է: Դեռ, երբ մեծացավ, տեսավ՝ ինչ է կատարվում, տեսավ՝ ինչքան հարցեր կան լուծելու, և սկսեց

մտածել, որ հպարտ լինելու փոխարեն պիտի մտածեմ լինել: Իր բառերով ասած՝ պետք է մի փոքր ավելի քիչ հպարտ լինել ու շատ աշխատել: Նրանք դեռ հորենացու մասին շատ չգիտեն, բայց Նարեկը ազգային սնապարծությունից զերծ մնալու դասը սովորել ու հասկացել է: Շատ լավ է հասկացել:

Սրտի թրթռոց, վախ, անհանգստություն... փուչ խոսքեր են. անհետանում են, երբ նյութի հետ գործ ունես: Հայոց լեզվից ենք խոսում, բայ են բացատրում, ի՞նչ լարվածություն: Նրանք պատրաստվել են, նրանք տնային են կատարել, նրանք պահանջում են գրատախտակի մոտ կանգնել: Նրանք դաս են սովորել, մենք ընդհանուր թեմա ունենք:

Ես այս ճանապարհի միայն սկզբում են: Տեսնում են Մանկավարժական համալսարանի հիմնական դպրոցի հմուտ, բանիմաց, նվիրյալ ուսուցիչներին՝ անվերջ շնորհակալ լինե-

լով իրենց թանկ գործը ժամանակավոր, բայց ինձ, մեզ վստահելու համար:

Շատ չեմ խոսում, չեմ պատմում հուզմունքի ու կարևորության չափի մասին, թվում է՝ հերթական ուսանողն է, հերթական յոթերորդներն ու հերթական 45 րոպեն: Չեմ վիճում. պետք չէ ծայրահեղության մեջ ընկնել, բայց ես այլևս երբեք առաջին անգամ դասարան չեմ մտնի, և նրանք այլևս երբեք առաջին անգամ Մաթևոսյանին չեն ծանոթանա: Ուրեմն մենք միասին մոր մի դուռ ենք բացում, որը բացելուց առաջ անպայման պետք է մտածել, թե ինչպես բարևենք իրար...

Տաթև ԹԱՄՐԱԶՅԱՆ

# ՔՆՆԱՐԿՈՒՄ «ՏԵԽՆՈԼՈԳԻԱ» ԱՌԱՐԿԱՅԻ ՀԻՄՆԱԽՆԴԻՐՆԵՐԻ ՇՈՒՐՋ

Ֆիզիկայի, մաթեմատիկայի և ինֆորմատիկայի ֆակուլտետի ամբիոնը կազմակերպել էր առցանց հանդիպում-քննարկում, որը նվիրված էր «Տեխնոլոգիա» առարկայի հիմնախնդիրներին: Մեր օրերում այդ առարկայի վերաբերումը մեծապես կապված է 21-րդ դարի պահանջների հետ:

Առցանց համաժողովին մասնակցում էին 6 տասնյակից ավելի «Տեխնոլոգիա» առարկայի ուսուցիչներ և ոլորտի մասնագետներ՝ լսելու իրենց դասախոսների խոսքը առարկայի նորովի մատուցման ու դասավանդման նոր մեթոդների մասին:

Մասնակիցներին ողջունեցին ՀՊՄՀ Ուսումնագիտական գծով պրոռեկտոր Մարիամ Իսախանյանը, ֆակուլտետի դեկան Գագիկ Դեմիրխանյանը, ապա ընդարձակ ու հանգամանակի գեկուցումով հանդես եկավ տեխնոլոգիական կրթության ամբիոնի վարիչ, տեխնիկական գիտությունների դոկտոր, պրոֆեսոր Արտավազ Սահրադյանը: Պրոֆեսորը խոսեց առարկայի մի շարք խնդրահարույց հարցերի շուրջ, վեր հանեց արդի խնդիրները՝ փաստելով, որ «Տեխնոլոգիա» առարկան հանրակրթական դպրոցի կարևոր բաղադրիչներից մեկն է:

«Տեխնոլոգիա» առարկան անցնում են աշխարհի բոլոր երկրներում, իսկ զարգացած երկրների կրթության վարչապետական քննություններից մեկը հենց այդ առարկան է, ասաց Ա. Սահրադյանը: Մեր անելիքներն ու ակնկալիքները շատ մեծ են առարկայի նկատմամբ, մեծ են նաև մերօրյա պահանջները:

Թե՛ ուսուցիչները, թե՛ զեկուցողները խոսեցին

«Տեխնոլոգիա» առարկայի ուսուցչի առջև ծառայած մի շարք մարտահրավերների՝ ոլորտում սահուն սերնդափոխությանն աջակցելու, առարկային տրամադրվող նվազ ժամաքանակի, առարկան շատ հաճախ ոչ մասնագետ ուսուցիչներին վստահելու, հեռավոր շրջանների դպրոցներում մասնագետների պակասի և այդ խնդիրը պետապատվերի միջոցով լուծելու, ցածր աշխատավարձի և մի շարք այլ կարևոր հարցերի մասին:

Ելույթ ունեցան տեխնիկական գիտությունների թեկնածու, դոցենտ Բորիս Խոդերյանը և ֆակուլտետի ղեկավար տեղակալ, տեխնիկական գիտությունների թեկնածու, դոցենտ Նունե Օրդյանը:

Բ. Խոդերյանը խոսեց «Տեխնոլոգիա» առարկայի պատշաճ դասավանդման համար անհրաժեշտ նյութատեխնիկական խնդիրների մասին, ուսուցիչներին էլ հորդորեց՝ ուսումնամեթոդական նյութեր պատրաստելիս առավել ստեղծարար լինել, իսկ Ն. Օրդյանը՝ «Տեխնոլոգիա» առարկայի դեռևս նախագծային փուլում գտնվող մոր չափորոշիչների և առարկայական ծրագրերի մասին:

Ուսուցիչներն անդրադարձան իրենց պրակտիկայում հանդիպող մի շարք բացթողումների, որոնք կարելի է լուծել այլընտրանքային մեթոդներով, որպեսզի զարգացնեն սովորողների ճարտարագիտական մտածողությունը:

Առաջարկությունների մշակված փաթեթն առաջիկայում կներկայացվի համապատասխան մարմիններին՝ համատեղ լուծումներ գտնելու համար:



ՀԻՇԵԼՈՒ ՀՐԱՄԱՅՈՒՄ

ԵՐԱՆՏԱԳԱՐՏ ՀԻՇՈՂՈՒԹՅԱՆ

Ավետիք Իսահակյանի տուն-թանգարանի հարկի ներքո ապրիլի 2-ին հավաքվել էին պատմաբան Գեղամ Կիրակոսյանի ուսանողները...

Ներկաները դիտեցին պատմաբանի մասին պատմող տեսաֆիլմ:

Գեղամ Կիրակոսյանի արձանները Սասունում են, որտեղից ծնողները եկել հաստատվել են Թալիկի շրջանի Աշնակ գյուղում:

«Հայաստանը Լանկ-Թամուրի և թուրքներն ցեղերի արշավանքների շրջանում (1386-1500) մեկագրությունը, «Հողի և արյան կանչով» և «Երգերն է կանչում» հուշագրությունները...

Գեղամ Կիրակոսյանի ուսումնասիրությունների ծիրում հայրենի Սասունն էր՝ շաղախված էրգրի հանդեպ իր հայրենակից գրող Մուշեղ Գալշոյանի հոգուց...

Գեղամ Կիրակոսյանի գործունեությունը շուրջ կես դար կապված է եղել Մանկավարժականի հետ...

րաստման գործում գիտնականի անուրանալի ավանդը մեծ հետազոտ է թողել բուհի ու նրա կրթած սերունդների պատմության ու հիշողության մեջ:

Ցավոք, նրա գրքերից երկուսը տպագրվեցին մահվանից հետո. գավակների ջանքերով լույս տեսած գրքերը պատմաբանի գիտական ուսումնասիրությունների, ամփոփումների արդյունքն են...

ՀՀ ԳԱԱ պատմության ինստիտուտի տնօրեն Աշոտ Մելքոնյանը, ԵՊՀ Պատմության ֆակուլտետի պրոֆեսոր Էդիկ Մինասյանը, գրող, հրատարակախոս, լրագրող Վրեժ Սարգսյանը պատմում են Գեղամ Կիրակոսյանի հետ Արևմտյան Հայաստան կատարած այցից անմոռանալի ու հիշարժան դրվագներ...

Հայ պատմագիտության զարգացման գործին մեծապես նվիրված գիտնականի ու դասախոսի մասին սիրով ու երախտագիտությամբ են հիշում ուսանողները՝ այսօր արդեն ՀՀԳԱԱ Պատմության և հասարակագիտության ֆակուլտետի դեկան Էդգար Հովհաննիսյանը...

Դուստրը՝ Կարինե Կիրակոսյանը, գործվածքով հի-



շում է՝ ինչպես էր հայրը պատրաստվում ուխտագնացության դեպի Արևմտյան Հայաստան...

Էդգար Հովհաննիսյանը դասախոսին բնութագրում է երկու բառով՝ խիստ և արդար: Գեղամ Կիրակոսյանը սոսկ դասախոս չէր, ուսանողները պատմում են՝ նա ավագ ընկեր էր, ուսուցիչ, խստապահանջ կեցվածքով, միաժամանակ շատ արդարամիտ:


Ծնվելով ու ապրելով հայրենիքից մազապուրծ եղած ծնողների միջավայրում՝ նրանցից ժառանգել էր հայրենի հողի հանդեպ հուշը, կարոտը, թախիծն ու տիրությունը...

Պատմաբան ընկերները փաստում են, որ Գեղամ Կիրակոսյանի մահով հայ պատմագիտությունը մեծ կորուստ կրեց. կորցրինք տաղանդավոր պատմաբանին, լավագույն մտավորականին...

Նա իր ուսանողներին ու զավակներին պատգամեց. «Երազային հեռուներում մնացին Սասունը, Մուշը, Վանը, դրախտային հնուսը, Երզրունը, Մանազկերտը, Բասենը, Կարսը, Սիփանը, Նեմրուքն ու Գրգուռը, մնացին իբրև կապույտ երազներ, իբրև տեսած ու ապրած անուշ վերնուշ, իբրև իրական մորմոք: Ասում են, թե կապույտ երազները շուտ են իրական դառնում, իսկ սպասումի հույսն անխորտակ է և հզոր: Մեծ հավատով ու անխորտակ հույսով սպասենք մեր կապույտ երազների իրականացմանը»:

Սիլվա ԱՄՐԱՆ

Կրթության արձագանքները դառն են, բայց պարուզը՝ բաղդը:



Մեր թվարկությունից առաջ ապրած մեծ մտածող Արիստոտելի խոսքերն արդի են մահ այսօր: Հենց այս քաղցր պտուղների հետքերով էլ էս. Արևմտյանի անվան հայկական պետական մանկավարժական համալսարանի մի խումբ ուսանողներ կտրել անցել են հազարավոր կիլոմետրեր, հայտնվել մեկ այլ երկրի մեկ այլ համալսարանում...

Մանկավարժական համալսարանն ակտիվորեն համագործակցում է արտասահմանյան բուհերի և գիտական կազմակերպությունների հետ: Համագործակցությունների շրջանակներում իրականացվում են պրոֆեսորադասախոսական կազմի և ուսանողների փոխանակումներ, համատեղ հետազոտական նախագծային աշխատանքներ, գիտաժողովներ, մրցույթներ, վերապատրաստման դասընթացներ և այլն:

Մանկավարժական համալսարանի Պատմության և հասարակագիտության ֆակուլտետը Երազնուս+ ծրագրի շրջանակներում 2019 թվականից բավական արդյունավետ համագործակցություն է հաստատել Մեծ Բրիտանիայի լավագույն կրթական հաստատություններից մեկի՝ Կիլի համալսարանի հետ: Այս ուսումնական տարում փոխանակման ծրագրով մեկ կիսամյակով Կիլ են մեկնել ֆակուլտետի 6 ուսանողներ:

Մեծ Բրիտանիան բազմազգ երկիր է. հարգանքն ու հանդուրժողականությունն այլ մշակույթների հանդեպ շատ բարձր է: Ի գուր չէ, որ բրիտանական համալսարաններն ու կրթությունը լավագույններից են ամբողջ աշխարհում: Կրթական ծրագիրը հնարավորինս հարմարեցված է ուսանողների առօրյային, նրանց ծանրաբեռնվածությանն ու նախընտրություններին: Նրանց կրթական մոտեցումները, ծրագրերը էականորեն տարբերվում են մերից: Որևէ աշխա-

տանք կատարելիս կարևորվում է նորարարությունը և թե ուսանողը ինչ նոր բան է բերում տվյալ մասնագիտական ոլորտ: Արդյո՞ք ուսանողն իր աշխատանքով ուղղակի կրկնում է այն, ինչ արդեն կա և գրված է մասնագիտական գրականությունում, թե՞ ինչ-որ նոր գաղափար է առաջ քաշում իր հետազոտությամբ: Նույն մոտեցմամբ անցկացվում են մահ քննությունները: Կարևորվում է ոչ միայն գիտելիքը, այլ մահ կիրառելու հմտությունը: Գրքում գրվածի, տեքստի ներքին ու թվերի փոխարեն ստուգում են քննադատական մտածողությունը:

Համալսարանում աշխատում են հնարավորինս քիչ ծանրաբեռնել ուսանողին, միևնույն ժամանակ նրանց տվորեցնելով էականն ու կարևորը: Որակը վեր է դասվում քանակից: Օրինակ գրավոր հանձնարարությունները չեն գերազանցում 1500 բառը: Սա օգնում է ուսանողին ավելի հակիրճ և կրկնապես ձևակերպել մտքերը, ինչպես մահ առաջնայինը վեր դասել երկրորդականին: Այստեղ գնահատում են ոչ միայն դասախոսները, այլ մահ ուսանողները: Ուսանողին հնարավորություն է տրվում լրացնել հարցաթերթիկ և գնահատել դասախոսական կազմի ջանքերը, դասընթացի արդյունավետությունը: Ֆակուլտետները պարտավորվում են որոշակի ժամկետում բարձրացնել խնդիրները և հնարավորինս արագ լուծումներ տալ:

Համալսարանում առանձին կառույց է գրադարանը՝ կրթական, մշակութային, տեղեկատվական խոշոր հաստատություն, որը ստեղծում է ամհրաժեշտ պայմանները տեղեկատվության հավաքագրման, մշակման և ընթերցողներին բոլոր հնարավոր ուղիներով հասանելի դարձնելու համար:

Ասում են՝ մարդը ծերանում է այն ժամանակ, երբ նրա մեջ մեռնում է ուսանողը: Կրթական համակարգից զատ էականորեն տարբերվում է ուսանողների առօրյա կյանքը: Կիլի համալսարանում գործում է ուսանողական խորհուրդ, որը հնարավորինս արտալսարանային առօրյան դարձնում է հարուստ, բովանդակալից և յուրօրինակ: Գործում են մետաձգության, լոգի, պարի, մշակույթի, կինոդիտման և այլ խմբակներ:

Կիլի համալսարանում կարող եք հանդիպել ոչ միայն բրիտանական կրթական համակարգին ծանոթանալու մեկնած Մանկավարժական համալսարանի ուսանողներին,

այլև հայկական գիտական ու մանկավարժական ավանդույթները բրիտանացիներից ներկայացնելու հրավիրված մեր բուհի դասախոսներին:


Մանկավարժական համալսարանի Պատմության և հասարակագիտության ֆակուլտետի դասախոսները 2022 թվականի մարտի 14-25-ը փոխանակման ծրագրով հերթական անգամ Մեծ Բրիտանիայի Կիլի համալսարանում էին:

Ֆակուլտետի դեկան, պատմական գիտությունների թեկնածու, դոցենտ Է. Հովհաննիսյանը, Գիտության և միջազգային համագործակցության ինքնավար դեկանի տեղակալ, պատմական գիտությունների դոկտոր, պրոֆեսոր Ա. Պողոսյանը, համաշխարհային պատմության և նրա դասավանդման մեթոդիկայի ամբիոնի վարիչ, պատմական գիտությունների դոկտոր, պրոֆեսոր Խ. Ստեփանյանը երկշաբաթյա աշխատանքային այցով Կիլի համալսարանում էին: Նրանք հանդես եկան դասախոսություններով, ունեցան տարատեսակ հանդիպումներ և սեմինարներ:

Էդգար Հովհաննիսյանը հանդես եկավ «Խորհրդային Հայաստանի սփյուռքյան քաղաքականությունը», «Ազգային և էթնիկ հակամարտությունները Անդրկովկասում ԽՍՀՄ փլուզումից հետո», «Արցախյան հիմնահարցը արդի փուլում», Սամվել Պողոսյանը՝ «Էթնիկ գտումները և ցեղապանական քաղաքականությունը Անդրկովկասում մինչև 1920թ.», «Հայոց ցեղասպանությունը և հայերի համակենտրոնացման ճամբարները», «Ղարաբաղյան հակամարտության ակունքները», հաշատուր Ստեփանյանը՝ «Խորհրդային հանրապետությունների ձևավորումը և դրա ազդեցությունը էթնիկ հակամարտությունների վրա», «Լեռնային Ղարաբաղը Խորհրդային շրջանում», «Անդրկովկասի խորհրդայնացումը» թեմաներով:

Դասախոսությունների ընթացքում քննարկվեցին Արցախյան հիմնախնդիրը, դրա լուծումների ու հետագա անելիքների հարցը, Հայոց ցեղասպանությանն ու խորհրդային պետության ազգային քաղաքականությանն առնչվող հիմնահարցեր: Բրիտանացի ուսանողներին ու դասախոսներին բավական հետաքրքիր էր մահ ներկա աշխարհաքաղաքական իրավիճակը մեր տարածաշրջանում: Նման դասախոսությունները նպատակ ունեն օտարազգի ուսանողներին և պրոֆեսորադասախոսական կազմին ծանոթացնել Հայաստանին ու հայերի հետ կապված հիմնախնդիրներին:

Ալինա ՀԱԽՎԵՐԴՅԱՆ  
Լուրսա ՔԱԶՅԱՆ  
Լարիսա ՍԱՐԳՍՅԱՆ  
Անի ԱՎԱԳՅԱՆ



ԻՆՏԵՐՎՅՈՒ ԴԱՍ-ՄԻՋՈՑԱՌՈՒՄ

# ԱՐՈՎՅԱՆԸ ՄԻ ԿՏՈՐ ԸԱՅԱՍՏԱՆ Է

Մանկավարժական համալսարանի 100-ամյա հոբելյանը նշանավորվում է նաև Մեծ Լուսավորչի ու Մանկավարժի կյանքի ու գործի հանդեպ մեծագույն սիրո և հարգանքի տուրքով, ինչը ամուսն են նրա գործի շարունակողները՝ համալսարանի շրջանավարտները, որոնք մեծությամբ ուսուցիչներն են: Սա մանկավարժական կրթության շարունակական երթն է՝ սերունդների հարափոփոխ ընթացքի ուղեկիցն ու վկան:

Այս օրերին ավելի է սերտանում Մանկավարժական համալսարանի կապը հանրապետության տարբեր դպրոցների հետ, կազմակերպվում են համատեղ միջոցառումներ՝ արտացոլելով հետադարձ կապը շրջանավարտների հետ, որոնք ուսուցչական նվիրումի անկրկնելի դասեր են կազմակերպում՝ կրթության ջահն անմար պահելով իրենց սաների հոգում, ուսուցանում ու կրթում հայ երեխային՝ երկրի վաղվա օրվա գինվորին ու բժշկին, ուսուցչին ու բնագետին...

Այդ դասերից մեկը ապրիլի 1-ին անցկացվեց ՀՀԿԿ Կուլտուրայի ֆակուլտետի դահլիճում բուհի Մանկավարժության ամբիոնի և Արովյանի դ.1 ավագ դպրոցի համատեղ նախաձեռնությամբ: Այն ինտեգրված դաս-միջոցառում էր: Պետք էր տեսնել դպրոցի ուսուցիչների ու



աշակերտների ներկայացրած արվածական դասը. մեծ գրողի ու մանկավարժի անհայտացման օրով պայմանավորված խորհրդանշական թատերականացված դասը՝ միաժամանակ շրջանավարտների տարբեր սերունդների շրջանավարտների սիրո և նվիրումի անկեղծ դրսևորումն էր հաջատուր Արովյանի ամուսնը կրող Մանկավարժական համալսարանի հանդեպ, որը կրկին ու կրկին փաստեց՝ Մանկավարժականի սերունդների երթն իր անխափան ընթացքի մեջ մշտապես գիտելիք ու լույս է սերմանել, վկան այն ուսուցիչները, որոնք այդ երթի նվիրյալներն են բոլոր ժամանակներում:

Ահա դպրոցի 12-րդ դասարանի աշակերտները բեմի վրա են. հաջատուր Արովյանն ու Ֆրիդրիխ Պարրոտը գրուցում են այնքան կենդանի ու բնական՝ մեզ հետ տանելով մեկ դեպի դորպատյան ուսումնառության միջավայր, մեկ ծննդավայր, որի յուրաքանչյուր անկյունը գրողի հիշողության մեջ ամեն պահ կենդանանում է, դառնում կարոտ ու հուշի թևով նրան վերադարձնում ծննդավայր՝ Ջանգվի փառերը:

Ուսուցիչներն ու աշակերտները հաջատուր Արովյանի քնարական կերպարի նոր բացահայտումներով հուզեցին դահլիճը, աշակերտներն այնքան բնական ու անմիջական ներկայացրին Լիբեր Արմենիսին, որը հասել էր «Դորպատ» լույս բերելու իր ժողովրդին, և «Դորպատը դարձել էր նրա երկրորդ հայրենիքը:

Ահա Արովյանը բախվում է ռուս հակահայ քաղաքականությանը. և եղավ այն, ինչ եղավ...

Ելույթներն ավելի քան ոգեշնչող էին՝ հագեցած ինտեգրված դաս-միջոցառման և համալսարան-դպրոց ջերմ մթնոլորտի գնահատականներով... Ելույթ են ունենում Մանկավարժական համալսարանի նորընտիր ռեկտոր, պրոֆեսոր Սրբուհի Գևորգյանը, Արովյանի հմ. 1 ավագ դպրոցի տնօրեն, ՀՀԿԿ Բանասիրական ֆակուլտետի 1996 թվականի շրջանավարտ Քարմիլե Առաքելյանը, Մանկավարժության ամբիոնի վարիչ, պրոֆեսոր Սիրա Թովուզյանը, Բանասիրական ֆակուլտետի դեկան Վլոդ Գալստյանը, Գեղարվեստական կրթության ֆակուլտետի դեկան Արա Հակոբյանը:

Դպրոցի տնօրենը փաստում է, որ դպրոցի և համալսարանի Պատմության և հասարակագիտության ֆակուլտետի, Մանկավարժության ամբիոնի հետ մշտական կապի մեջ են, և այդ կապերն առավել ամուր են դարձել Մանկավարժության ամբիոնի դոցենտ Գրետա Հակոբյանի շնորհիվ:

Եվ իբրև ամփոփում՝ Արևի Թովուզյանն ասում է՝ դասը ստացվեց, մենք տվեցինք մեր մանկավարժական գնահատականը. իրականում այս դասը մեր բուհի շրջանավարտների յուրօրինակ հաշվետվությունն էր, որին պատրաստվել էին մտքով ու սրտով:

Ուսուցիչներն էլ փաստեցին. «հաջատուրը մի կտոր Հայաստան է», ուն միջոցով յուրաքանչյուր օտարերկրացի կծանաչի ու կսիրի այն: **Սիլվա ԱՄՐՅԱՆ**


# ՇՆՈՐՀԻՎ ԿՅԱՆՔԻ ՀԱՆԴԵՊ ՍԻՐՈ

Դժվարություններ ու խնդիրներ կյանքում պատահում են անկախ տարիքից ու սեռից: Այս ժամանակահատվածում տրամադրության անկումն անխուսափելի է լինում. չենք ընդունում, որ հանգամանքների բերումով խաթարվում է մեր կամխորոշած ուղին: Երբ խնդիրն առողջությանն է վերաբերում՝ մեզ մնում է միայն հավատալ, ապավինել Աստծուն ու հաղթահարել հերթական փորձությունը: Ուժեղ է պետք լինել՝ չկորցնելու համար առողջ դատելու ունակությունը, չէ՞ որ դժվարությունները հարատև են լինում միայն հանձնվելու դեպքում: Գլխումս պտտվող անհամար մտքերն ինձ այլևս չէին անհանգստացնում. գիտեի՝ պարզապես պետք է հավատալ, պայքարել ու հաղթել, հաղթել այս դեպքում հիվանդությանը:

Աստծո հանդեպ ունեցած հավատի, պայքարելու կամքի շնորհիվ, ուռուցքաբաններ Ռուբեն Լևոնի Հարությունյանի և Աննա Լևոնի Կիզակյանի, առհասարակ, Ֆանառյանի անվան ուռուցքաբանության ինստիտուտի ողջ բուժանձնակազմի հոգատարության շնորհիվ՝ ես հաղթեցի, ես այսօր Հաղթող եմ:

Հաղթահարելով կյանքի ևս մեկ շրջափուլ, ևս մեկ արկած ու փորձություն՝ երախտապարտ եմ Ձեզ, սիրելի և հարազատ դարձած բժիշկներ, ինձ՝ շատախոս աղջկաս, առողջություն, լայն ժպիտ և ապրելու ևս մեկ հնարավորություն ընձեռելու համար:

**Արմիկ Գրիգորյան**  
**ՀԴՄՀ**  
**հեռուստառադիոլրագրության**  
**երկրորդ կուրսի ուսանողուհի**



«Երազներից դեպի նպատակների իրականացում», - այսօր այս սկզբունքով է առաջնորդվում մեր սիրելի կուրսը՝ Արմիկը, որը կարծես նոր ծնունդ է առել: Հիասթափություն ու վախ. սա մի շրջան էր, որը պարզապես կարճ ժամանակով այցելեց Արմիկին: Իսկ այսօր այդ ամենն անցյալում է՝ շնորհիվ սեփական հավատի ու կյանքի հանդեպ սիրո: Արմիկն այսօր կարծես նոր մարդ լինի՝ լի կյանքով, ուրախությամբ, նոր մոտիվացիայով ու մտքերով: Նա ունի բազմաթիվ նպատակներ, որոնց մեծ ոգևորությամբ փորձում է հասնել: Վստահ ենք՝ մեր կուրսը նկրտուհու մոտ այդ կստացվի:

ՀԴՄՀ հեռուստառադիոլրագրության  
երկրորդ կուրս

# «Գնալ նպատակի հետևից մինչև վերջ», ~~~ ասում է Սոնան

«Ինչ էլ լինի, չի անձնվել, գնալ նպատակի հետևից մինչև վերջ», - այսպիսին է պատանի ստեղծագործող և ապագա ծրագրավորող Սոնա Ստեփանյանի կյանքի կարգախոսը:

Սոնան ապրում է Կոտայքի մարզի Ակունք գյուղում, սովորում է տեղի միջնակարգ դպրոցի 10-րդ դասարանում: Խոսելով մանկությունից՝ հիշեց մի քանի դրվագ. «Չարածճի երեխա եմ եղել, մինչև չորս տարեկան քնել եմ մայրիկիս ձեռքերի վրա՝ պարտադիր օրորոցայինի ներքո»:

Տատիկի ամենասիրելի պատմությունը հիշեց, որ փոքր ժամանակ միշտ հուն ծու է խմել, մտածել են՝ մեծանա՛ երգչուհի է դառնալու: Որոշ ժամանակ զբաղվել է երաժշտությամբ, բայց չի ցանկացել խորանալ դրանում: Նպատակները տարբեր են եղել: 14 տարեկանում սիրել է ստեղծագործել ու ասմունքել: Նույնիսկ հեղինակային բանաստեղծություններ ունի տպագրված «Ձնծաղիկներ» պատանեկան գրքում: Այնտեղ շարադրված են իր զգացումները:

Ժամանակի հետ փոխվել են նախասիրությունները: Հիմա սովորելով Թունո ստեղծարար տեխնոլոգիաների կենտրոնում և դպրոցի Արմաթ լաբորատորիայում, ապագայում իրեն տեսնում է ինֆորմացիոն տեխնոլոգիաների ոլորտում:

«Ռեժիսորից՝ բժիշկ, բժշկից՝ մինչև լուսանկարիչ. հետո միայն հասկացա, որ ամեն ինչ կարող եմ ստեղծել ՏՏ (տեղեկատվական տեխնոլոգիաներ) ոլորտում: Թունոն ու Արմաթն էլ օգնեցին հստակ համոզվել ու նոր ճյուղով մասնագիտանալ», - մեզ հետ զրույցում ասաց Սոնան:

Ձեռքբերումների ու հաջողությունների համար շնորհակալ է իր ընտանիքին, հատկապես Ձոնիկ տատին՝ միշտ իր կողքին լինելու և խրախուսելու համար: «Ընտանիքից բացի, իմ կյանքում մեծ դեր խաղաց իմ ուսուցչուհին՝ Հերմինե Աբրահամյանը,



որն իմ մեջ բացահայտեց մի նոր Սոնայի: Արդյունքում ես այսօր իրական հայ եմ ու պատրաստ եմ պայքարել իմ հայրենիքի համար: Նա այն մարդկանցից է, որոնք մեծ դեր ունեն իմ անհատականության ձևավորման ու զարգացման գործում: Չեմ կարծում, թե նորից կվիճակվի ճանաչել նրա նման հզոր մարդու, որն ամբողջ կյանքը նվիրել է հայրենիքի զարգացմանը և կրթության գործին: Ես շնորհակալ եմ նրան», - ասաց Սոնան: Նա նաև շնորհակալ է ընկերներին, որոնք շատ չեն, բայց հարազատ են ու անգնահատելի:

Կյանքի նպատակը որակյալ կրթություն ստանալն է և հասարակության համար պիտանի մարդ դառնալը: Իսկ գերագույն խնդիրը երկրի հզորացումն է. «Սեզ հզոր Հայաստան է պետք»:

**Լուիզա ՍՄՐՅԱՆ**  
**Կուլտուրայի ֆակուլտետի**  
**հեռուստալրագրության բաժնի 2-րդ կուրս**  
**ուսանողուհի**

Գրանցման վկայական՝ 01Մ00184 տրված է 26.03.2008 թ.  
Հասցեն՝ Տիգրան Մեծի 17, հեռ. 59-70-97:  
Էլ. փոստ՝ Newspaper@spu.am, asryansiva@gmail.com  
Տպագրված է «Տիգրան Մեծ» հրատարակչության տպագրատանը:  
Հասցեն՝ Արշակունյաց 2  
Տպաքանակը՝ 1800 օրինակ: Ծավալը՝ 2 տպ. մամուլ

Թերթի նյութերի արտատպումներն առանց խմբագրության համաձայնության արգելվում է: Հղումը պարտադիր է: Թերթը տարածվում է անվճար:  
Հանձնված է տպագրության 8.04.2022 թ.  
Թերթը կարող եք կարդալ ՀԴՄՀ կայքում՝ www.aspu.am

Գլխավոր խմբագիր՝  
**Սիլվա ԱՄՐՅԱՆ**  
Բանասիրական գիտությունների թեկնածու  
Էջաղուրմը՝ Պետրոս ՎԱՐԴԱՆՅԱՆԻ  
Համարի պատասխանատու՝ Սիլվա ԱՄՐՅԱՆ